



曇花記目錄

卷下

第二十七齣

公子思親

第二十八齣

公子受封

第二十九齣

面聖辭官

第三十齣

冥官迂聖

第三十一齣

卓錫地府

第三十二齣

閻君勘罪

第三十三齣

遍遊地獄



獻書人吳  
良士  
南珠  
青  
捐贈

第三十四齣

冥司斷案

第三十五齣

普度群生

第三十六齣

衆生業報

第三十七齣

郊行卜佛

第三十八齣

陰府凡情

第三十九齣

窺園邁難

第四十齣

禮佛求禳

第四十一齣

真君驅邪

第四十二齣

上游天界

第四十三齣

尼僧說法

第四十四齣

群僊會勘

第四十五齣

凶鬼自嘆

第四十六齣

討賊立功

第四十七齣

木侯夜巡

第四十八齣

東遊僊都

第四十九齣

凱旋見母

第五十齣

西遊淨土

第五十一齣

義僕遇主

第五十二齣

菩薩降凡

第五十三齣

西來悟道

第五十四齣

還鄉報信

第五十五齣

法眷聚會

曇花記下目錄終

曇花記

下



第二十七齣

小生上

謁金門

自歎生來魔障展轉添惆悵四海尋親空

策杖慙恨乾坤俯仰有父裹布袍單身走空谷有

子披羅衣僮奴侍華屋父既巢雲松子當念風

木哀哀蓼莪篇把詩不可讀木龍駒生身不辰

骨肉萍梗父既遠遊訪道母亦矢志孤棲止有

不肖之兒終日守妻子饗膏粱尋思二親慙愧

天地如之奈何荆人房氏頗有孝心見舅姑飄

零夫君愁苦他亦早晚同戚了無歡容父親久  
無音耗寢食何以自安不免與娘子共嘆一番  
娘子何在 小貼上

**前腔** 何處芒鞋一緉雲水愁難訪定省晨昏今久  
曠子婦同懷悒快朱門豈不貴何事長離憂姑久

掩一室舅也愛遠遊良人日以苦妾心能不愁  
棄脂復捐粉含淚下救樓 相見介小生 娘子你

公公遠遊久別隔絕無音婆婆縞素清齋幽棲  
良苦你我綺羅梁肉心豈能安卑人欲待再出

去尋訪爭奈雲海渺茫難覓母親寂寞無依展  
轉悲愁如何是好 小貼 官人力行孝道欲窮雲  
水之踪賤妾亦有人心敢戀房幃之愛只是四  
海無家一時難覓足下此身木氏關係不輕君  
再思之

**風入松**

小生

我少年生長在華堂幾時解淒清境

况綺羅叢裏笙歌響又早進金盤嘉釀今日裏游  
罹禍殃親骨肉兩參商

**前腔**

小貼

堂空客散燭無光歎門闌暗結蛛網依

然鼎鐘和綉牀又不是生災生障一霎時梧凋葉  
黃秋雨後轉悲涼

舍人上

仙客遠從雲外去天恩

近自日邊來稟上公子小人是汾陽王郭爺舍  
人俺老爺將木爺棄家學道及公子文武全才  
一一奏聞聖上聖上褒獎老爺拜公子官爵早  
晚必有玉音下了老爺特差小人來奉報

小生

叫手下送郭舍人廂房茶飯

內應科舍人下小

貼原來有此事寂寞之中得此一喜

小生娘子

聖上褒獎公公道德誠爲可喜封拜卑人此心

不願你公公無過是雲遊訪道我兒子怎麼襲  
職受封果有此事還要上本力辭

小貼

官人所

見極當

鎖南枝

小生

聞新命心轉傷我父親雲遊知那方

祿不逮高堂官封怎安享願布衣甘草芥明日面  
君王把此情去奏上

前腔

小貼

夫受爵妻有光翟冠鳳翹垂襖襠聞命

意倉皇躊躇暗思想榮可羨親怎忘好去面君王  
君心定相亮

小紫綬金章不敢當

貼小一封明早奏君王

生親爲萬里烟霞客

合子願終身田舍郎

第二十八齣 小生上

粉蝶兒奕葉貂蟬報國方當年少看家傳豹畧龍  
韜錄忠勲褒隱逸也道璽書將到奈親恩罔極君  
恩難報老臣已逐漁樵去聖主難忘麟閣功延賞  
又沾門蔭貴敕書新下未央宮小生木龍駒是  
也伯父汾陽王郭公將以父親棄官學道事情  
具本申奏聖上聖上不忘靖亂之勲深惜老臣

之去將以蔭敘錄用小生今早汾陽着人來報  
云詔書將到只得設案焚香在此伺候 左右上  
報云稟上公子朝廷遣汾陽王郭老爺齋詔勅  
封公子官爵已到門首 小生迎接科小外上奉  
天承運皇帝詔曰據中書令汾陽王郭子儀奏  
稱定興王本清泰當安史之逆節丁王室之流  
離力剪元凶蕩平大難功莫茂焉爵頒茅土盟  
指山河綿祚永福朕方當與卿共之爾乃引分  
知幾辭榮入道遠追子房之迹近紹鄴侯之風

世所罕聞良足嘉尚可賜號圓照大師其子龍  
駒才兼文武秉志忠良授驃騎將軍襲封定興  
侯嗚呼輕珪組而踐大道臣子之高標獎隱逸  
而錄忠勲朝廷之盛典爾其不忘猷告益務操  
修欽哉毋敦謝恩 小生 萬歲萬歲萬萬歲 小生  
伯父請上容小姪拜謝 小外 賢姪免禮 小生 拜  
小外荅拜科 小生 老父黑頭遠引聊以全生小  
姪黃口無知謬膺簡命蒙朝廷作養之賜荷伯  
父推薦之恩不任戰矜何勝感激 小外 尊公辭

榮晚節味道清真賢姪砥行茂齡承家忠孝喬  
梓同躋令聞老夫幸竊餘光望你勉竭臣勞務  
酬主德 小生 多謝伯父訓誨但小姪尚有苦情  
相告老父訪道未回爲人子受爵何安還要面  
聖辭官望乞伯父張主 小外 尊公旣已辭爵賢  
姪理合受封這也不消辭聖上一定也不准中  
書省中有事老夫就此告別鳳穴雖真美龍門  
客又新 下小生 不免喚出妻子同到蓮花菴中  
拜謝母親左右請新夫人出來 小貼上

西地錦紫禁新來天詔青閨乍整雲翹封侯夫婿  
年猶少早看玉帶橫腰相公萬福 小生 夫人拜揖

小貼 相公新拜小侯龍章承寵賤妾亦因夫貴

鸞誥分榮可喜可喜 小生 下官新承寵命常圖

捧日之忠老父久賦仙遊轉切望雲之想奈何

奈何我和你同到蓮花菴中拜謝母親養育之

恩 小貼 正該如此 同行科

前腔 旦上 日氣全澄蓮沼香烟初散松寮 貼小旦

上 上方諸品圓明照花陰曉日團瓢 旦 紺目澄清

四大海玉毫宛轉五須彌 貼小旦 大士普門隨

物現願教得度比丘尼 小生小貼同拜 孩兒新

承門蔭拜將封侯衣緋腰玉容孩兒拜謝母親

養育之恩 旦 孩兒免拜罷孩兒你做官好只是

你父親雲水無踪使為娘的終日挂念 小生稟

告母親爹爹人中豪傑又遇方外異人大道可

成仙遊無恙這曇花無根茂盛料必不是偶然

適纔朝廷詔敕旌獎父親清高恬退賜號圓照

大師 旦 好好聖主知重道號顯加這也不負你

父親清修苦行了

降黃龍雲外逍遙地北天南遊蹤皆到門庭冰冷  
幸吾兒新拜五侯綸詔明朝謝恩北闕好去彤墀  
微道須勉圖顯親報主承家忠孝

前腔

小生

劬勞屢葉金貂黃石遺編赤松無耗承

家開國念親恩主德總來難報須教枕戈汗馬努  
力塞雲邊草幾時得功成大漠雀歸華表

前腔

小貼

岌嶷日麗丹青夫婿朝回御爐香遶東

方千騎看鬚鬢白哲人都道好遠教秉忠竭節不

負金裝裘帽好追踪碎疆傳祚留侯不老

前腔

貼小旦

蕭條戶網蠨蛸看鳳雛龍種郎君清

妙恩波優渥拜何家驃騎門閭重耀靈苗曇花正  
盛相映堦庭芝草願函關真人紫氣歸來須早

黃龍滾

旦

珣弓犀革發寶劍龍紋鞘

小生

舊日橐

鞞部曲還來到

合

紅雲天表朱旗日照榮簪笏寵

林壑加封號

前腔

小貼

麒麟通袖袍鸞鳳泥金誥

貼小旦

羅雀

門前朱履今重到

合前

尾聲仙郎結束登廊廟轉念慈親修道依舊蓮花  
伴寂寥小生好告母親得知爹爹雲遊定有還家

之日孩兒如何受爵襲封顯是忘親慕祿稟過  
母親明日少不得上表為爹爹謝恩併辭封爵  
旦孩兒你這個所見亦是

旦年少郎君初拜侯

小生思親不見轉添愁

小明朝具疏陳情去

貼為道新恩未易酬

第二十九齣

小生上

唐多令新命下丹霄封章謝聖朝親闈何處路迢

遙多少烟波雲嶠辭印綬訪漁樵拜爵王朝寵渥  
優况兼道號賁林丘白雲望斷千山遠紫綬何  
心萬戶侯木龍駒叨蒙聖恩既拜定興小侯賞  
延世胄又以圓照大號褒寵家君恩數無以復  
加但老父暫行訪道必遙返于家園為子輒受  
爵襲封置嚴親于何地趨庭之念方切立朝之  
意何安夜來修下一疏伏闕面君一則為老父  
拜謝寵褒一則為下官固辭新命來到此處已  
是朝門不免伺候聖主升殿呀朝鐘已動文武

皆齊不免隨班朝見則个萬歲萬歲萬萬歲

內 叫科 大小官員有事則奏無事退班 小生 臣有

短疏冒奏天顏 內侍上 既有奏章送上來替你

轉奏 小生 臣有下情還求口奏 內侍 奏來

步步嬌 小生 臣父當年辭榮蚤遠去因求道寬容

荷聖朝不罪逋逃更加封號煌煌勅命寵林臯君

恩如海真難報 內侍問科 皇帝問卿父清泰壯年

慕道黑髮辭榮朕既仰遠引高風又惜老成去

國時厯於懷不審雲遊有信否 小生 悲科

沉醉東風感吾皇尚思遺老使微臣不勝悲悼一

自遠遊遨傲撒手冥鴻去杖履久無消耗臣走天

涯遍尋海島咫尺間奈三山路遙

忒忒令遇樵夫有雲牋順梢問何之仙踪又杳因

此上把黃泉碧落都遊到念微臣兩虧忠孝只落

得瞻帝闕望親舍時時暗地裏淚拋 內侍 皇帝有

旨卿父遠遊既有報書足知山中無恙徐訪仙

踪退班 小生 臣還有下情面奏聖上 內侍 奏來

小生

好姐姐天朝侯封寵褒錫微臣一封丹詔臣父雲  
遊定返臣官何太早忍叨昌金章紫綬雖榮耀慕  
祿忘親罪怎逃

內侍

皇帝有旨卿父雲遊必有還  
期但既已辭榮豈肯再受勲臣封爵不可久虛  
卿青年異才允宜擢用已有成命不必固辭

嘉慶子

小生

念臣親山林養高捨一官棲遁欲老  
甘着那澹薄修道臣未得晨昏問寂寥

雙蝴蝶臣父呵穿着百衲的藍布袍繫着一條的  
黃束縵喫着苦菜與藜蒿隨着苦行的水雲僧道

晚來隨處宿殘菴古廟到得曉來托鉢走荒郊

園林好臣怎忍官尊爵高臣怎忍垂纓珥貂臣怎

忍一身榮耀食美食進香醪因此上訴皇朝

內侍

皇帝有旨卿父全身入道卿能盡忠報國豈不

兩全

川撥棹

小生

恩非小豈不願竭忠報效儻忘親自  
立功勞儻忘親自立功勞那些箇求忠於孝願辭  
官守草茅願尋親去問採樵

錦衣香若論臣才呵文不能經廊廟武不能先征

討何由上補龍光只落得下慙鳥鳥哀鳴君父訴  
心苗望鑒臣微悃免賜官寮便芒鞋苧襖敢辭那  
水曲山椒誓把天涯遶東窮蓬島南尋衡岳西抵  
河洮

漿水令臣稽首謝恩丹微臣稽首拜還紫誥望君  
王寬容寵包犯雷霆神魂戰慄天恩定擬捐軀報  
也有時朝端環珮塞上弓刀年猶少氣未消他年  
七尺輕於草又何辭又何辭碎塗肝腦千萬歲千  
萬歲頌德唐堯

內侍

聖旨下木龍駒身初拜爵心

不忘親可稱純孝據口奏情詞良可矜憫但朝  
廷旣重酬勲臣子分當許國所封官爵不准辭  
卽當擇吉供職叩頭謝恩

小生謝科

尾聲辭官不允重頒詔從此衣冠候蚤朝叢桂何  
緣再見招

一心只要訪遊踪 爭奈辭官上不從

自是朝靴換芒履 宵衣初聽未央鐘

第三十齣

小丑扮綽消丸

小外扮顏杲卿

小丑笑上

閻王殿下綽消丸三寸爛斑珠走盤

撮哄銅肝王太尉笑開鐵臉馬靈官帝孫見我  
渾忘織仙子開言也送丹只爲舌端留地府至  
今長夜黑漫漫小子黃旛綽是也以謳歌琴奕  
伏事玄宗皇帝出入宮禁三寸舌尖兒好一似  
五色繡毬滴溜溜滾將去說得楊妃破顏六宮  
絕倒三郎饒他十分大惱怒不快活時但聽我  
三兩句巧舌頭也就開懷了太真娘娘十分喜  
我我曾與皇帝對局他碁輸了不好意思太真  
放出康國獍子上几兒亂了碁局皇帝大悅此

時太真身上薰外國龍腦香的繡帶被風飄在  
我巾兒上一拂過去那巾兒整整香了三个月  
這也不在話下死見閻羅天子考校罪惡道此  
人雖巧弄舌尖出入宮禁卻不曾招攬勢利且  
有譎諫微勞饒他拔舌署我在地府做个傳送  
官兒誰知宿業難忘依舊花言巧語地府中受  
苦衆生鐵丸當食入口火起苦不可言愁眉淚  
臉無一刻歡容但聽我清話一場愁顏便展地  
府中人都說聽黃旛綽說話胸中鉄丸兒也消

了因此上都叫名綽消丸近日傳聞西天祖師  
賓頭盧蓬萊仙客山玄卿帶一个新度弟子乃  
是定興王木清泰來遊地府想祖師之意一則  
要將地獄衆苦警省木公堅其道念一則要隨  
緣方便度脫地獄衆生日下將到閻羅天子命  
曹吏差官迎接聖僧曹吏與我相善就差了我  
順便往陽間花花世界遊耍一回好快活也呀  
遠遠望見敢司連苑宮大將顏公來了小外上  
科日落常山鼓力微孤城矢盡鬪兵稀陰風獵

獵旌旗暗血染遊魂未得歸自家常山太守顏  
果卿安祿山逆賊之叛罵賊而死玉帝憐我精  
忠拜爲大夫敢司連苑宮大將尊貴權勢代天  
行化思量起來生爲烈士死作天神雖然正氣  
英名終是不了生死近聞得西天祖師賓頭盧  
發大弘願度化衆生不免去叅禮聖僧求道問  
法多少是好小丑冥府傳送官綽消丸叩見大  
將軍小外怎麼叫做綽消丸小丑小子在冥府  
以口舌得官花言巧語能使衆生聞者消卻胸

中藏丸以此得名小外胡說爲人不做正人話

正話怎麼花巧舌頭小丑是大將軍舌頭會罵

賊小子舌頭會消丸也爭不多哩小外又胡說

以後改過不爾吾當以三尺劍親斷汝舌小丑

不敢外未生同上三點踈星曲一灣新月斜披

毛從此得作佛也由他我們三人相約同到地

府一遊看那地府風景如何木西來假如不成

大道不了生死這處所是你我安身立命的窩

兒怎麼不來一看小丑相見科大師弟子叩首

閻羅天子聞大師三位來遊地府差傳送官綽

消丸迎接外生受你既如此你可相送隨行小

外上故常山太守今拜敢司連苑宮大將弟子

顏杲卿參拜西天祖師山仙伯木先生見禮了

外檀越此來何事小外弟子特來禮祖師參請

佛法外檀越是忠烈丈夫丈夫元只有一點靈

明迷則小束形骸悟則大包沙界將靈明作惡

業便是惡人將靈明作忠烈便是烈士將靈明

作佛事便是佛子若對奸佞忠烈是大善因若

入佛門忠烈也用不着寂寂無事炯炯常明小

丑我綽消丸是巧舌祖師能化盡三千大千世

界須化不得我三寸舌頭小外怎麼你舌頭就

化不得小丑世界衆生有心救可化我舌頭是

無心的以此化不得外錯了三寸長的是舌那

會說話的不是舌頭小外拜謝介弟子省得了

小丑謝介弟子也省得了

外二子一言並悟末投機良馬神鞭

小從此心空白刃丑還應舌長青蓮

第三十一齣

小生扮閻羅天子冕旒神將曹官左右侍從上

玉堦金殿森羅鐵面銅頭來往善惡幽隱悉知

報應毫釐豈爽人言地府幽冥日月大明高敞

業眼看做冥冥道眼看做朗朗愁人見月淒涼

歡士對之欣賞天宮雨是寶珠修羅雨是兵仗

各為循業發現福業各隨情想閻羅本性大慈

忍把群靈笞榜父祖痛撻兒孫元要兒孫成長

衆生苦痛一番臨別諄諄誘獎誰知一去便迷

更長無明伎倆可憐纔脫火坑轉眼又投羅網

業因似影隨形果報如聲應響闍羅何有成心  
至戚也難阿黨我今奉勸世人慎勿迷真逐妄  
自家闍羅天子是也今蚤升殿視事且要迎接  
西天祖師此時想可到也曹官吏跪白稟上大  
王罪人過惡多端案卷一一奉呈大王覽決又  
有白起一案曹操一案崔浩傳奕一案事體重  
大屢年未結望大王上裁小生一切案卷俱發  
各殿各曹勘問同覆這三入案寡人親自裁決  
吏又有新收各犯公案酷吏周興來俊臣一案

淫毒篡唐武氏一案強姦誤國李林甫一案反  
叛安祿山一案專權召亂楊國忠一案謀害忠  
良盧杞一案宣淫蔑檢顧雕龍一案挾仇造謗  
孟豕韋一案並求大王勘問小生武氏安祿山  
李林甫三案事體重大寡人親問盧杞事情上  
帝先勅仙官顏真卿等會勘其餘并發各殿曹  
勘明回覆明日先勘結曹操等三舊案吏諾小

丑上稟大王西方祖師蓬萊仙客定興王木清  
泰已到殿前小生快迎接小生出迎相見科小

生祖師稽首外大王稽首小生仙伯拜揖末大

王拜揖生大王尊坐容木清泰拜見小生公已

入道戒行清高殊為可敬只常禮罷祖師上座

弟子與山仙伯木定與分東西坐科小生幽冥

下界龕濁凡夫幸蒙聖師卓錫望弗恡金鏡開

我昏翳蠢茲大衆咸望慈航外衆生迷墮為縛

凡情但盡凡情別無聖解貧僧心存普度道愧

弘慈大王宿德上根何難頓悟我三人此來欲

借觀大王考校肅爽靈威徧閱陰府泥犁用堅

初學耳小生仙伯長生不老清虛絕塵願假三

清解我五濁末僕玄都下品北面聖僧第轉法

輪無煩鄙教小生分付曹官潔具香齋清供請

祖師三位到別館安居寡人粗了今日公案即

當奉陪別科曹吏送三師詣別館同下小生叫

吏卒帶白起一班罪人過來衆諾稟大王白起

一班罪人當面小生白起長平之坑四十萬人

同日併命枯骸山積冤氣滔天情罪甚明本非

疑獄承問官並少風力何有稽遲可即便驅入

阿鼻獄中不須再勸 小生 再帶崔浩傳奕兩起

罪人過來 衆諾 稟大王崔浩傳奕兩起罪人當

面 小生 崔浩傳奕佛是西方大聖精微廣大妙

湛圓明三界獨尊萬劫不壞不惟鄆都濁世同

切皈依卽上界諸天盡皆頂禮汝是何人敢行

誹謗不曾窺見佛門之一班輒肆口舌于三寶

闡提重罪阿鼻何辭諸司所以不決者以此二

人薄有文菀頗著名節殊不知謗佛罪深小節

莫贖速入無間不必再推曹操極惡通天奸深

如鬼殺人甚多尤多名臣義士戕殺國母一節

尤爲公論所痛忿明日請祖師三位同坐殿上

鞫問元凶以爲一快吏卒且散去 衆諾

小生 目電九幽明皎日 手提三尺凜秋霜

卽將嚴訓爲慈訓 衆 始信囹圄是福堂

第三十二齣 丑扮曹操 小丑扮華歆

齊天樂 小生上 殿堂業鏡高懸虛明朗照轟雷閃

電蓋世雄心偷天巧手到此俱成冰炭 外末生同

上陰風晝慘歎熱鐵烱銅渴飲飢餐撫景凄然好

清齋香供禮金仙

相見科外

大王你今日勘事須

升殿南面正坐我三人略退在王座之後借閱

公事

小生

如此有罪了叫吏卒請三位尊師後

面看坐官吏帶曹操華歆漢后伏氏一起過來

衆諾帶見科

小生

曹操你圖謀漢鼎殺害忠良

多少豪傑何限軍民斷送在你手裏只圖一身  
富貴那管四海遭殃我且問你你爲人一世春  
秋最高不過百年衣食男女受用幾何何苦使  
盡心機作盡凶惡貪百年之受享貽萬劫之災

殃你也可想有今日麼你一定剷除因果抹撥

神明把上帝與俺閻王的公坐輕輕兒撤過了

纔敢是這等肆行無忌

丑

大王曹操到此地位

怎敢相瞞平生雖是奸雄其實龕莽全不知有

上帝閻羅善惡因果道是生前且圖得志死後

冥漠無知若早知有今日怎麼敢肆志如此

小

生這等說你一發可笑了你臨死之時囑付銅

臺諸伎每日奏樂上食若死者無知誰來受饗

如其有知你罪惡深重受報不遑何暇來聽樂

饗祭丑罪人果然是千般奸狡一味糊塗小生

孔融楊修禰衡諸君遭你荼毒事並已勘明只

弒伏后一節你屢有辭展辯從實供招勿再饒

舌丑弒伏后一事實是華歆逢迎罪人輒行弒

逆操未曾知小生華歆怎麼說小丑大王曹操

以伏完之事遷怒伏后召歆于密室之中屬歆

帶將吏入宮行事事成之日官陞九列直至三

公華歆一時畏禍只得勉強應承若操不使華

歆華歆也是个愛名節的人怎敢一旦狼藉至

此小生華歆好一个愛名節的人破壁取后揪

髮跣足行過上前伏后呼上求救上曰我命不

知盡在何時此時慘動天地不知你這賊子還

也少動心否此等大事若不奉曹操之命誰肯

擅行這也不消照業鏡直須以理斷之曹操快

招如尚展辯一詞鐵鞭亂下丑驚懼科罪人這

番招了小生伏后過來我固憐你一死卻還惱

你主上不才人生至此堂堂國主不能庇其一

妻猶然在奸賊手中求須臾之命何其無丈夫

氣也按劍而起與汝同死豈不快哉伏后你可  
手執鐵鞭親行箠楚貼告大王妾一裙釵女子

兩臂無力不能行刑小生叫階下金瓜武士借

神力助他貼忽生大力鞭科小生伏后你還罵

他貼謝大王容妾慢慢細數其罪

**山坡羊**日曛曛宮簾乍捲鏡團團妝臺初展髻

蕤鸞釵未簪粉輕盈新拂蛾眉淺朱戶喧宮娥忽

亂傳帶兵直入直入昭陽殿玉碎香殘頃刻間我

在深宮外庭事體怎麼知道銜冤芳魂泣蜀鵲誰

憐湘靈斷楚弦想起當時光景好不痛殺人也

**前腔**歎鬢鬆香雲青亂更淋漓啼痕紅濺走蒼茫

鞋弓褪蓮衡揉拽肉袒花枝顛過帝前含悲不敢

言六宮掩涕掩涕迴救面眼見生離結髮緣朱顏

銷來不記年黃泉今來始雪冤賊你為臣子忍戕

國母呵

**二郎神**你流毒徧多少忠良命蚤捐誰不思為主

分憂除國難我裙釵何用忍將粉黛摧殘嚇得君

王心膽寒剛說道存亡蚤晚難留戀枉斷送了鳳

姿鸞頸霧鬢風鬟華歆賊子你假修行義要與管  
幼安齊名一旦狼狽爲奸相作鷹犬手弑國母  
二僥倖三公你平生名檢安在幼安家狗豈肯食  
汝之餘小生伏后你也自持鐵鞭鞭華歆這賊  
子貼鞭科  
集賢賓你假修名行心太奸要與高士齊肩割席  
分金情已見一朝裏富貴垂涎把王家力剪甘做  
了權門鷹犬今日空悲怨恨切齒讐人相見曹操  
你當時剪滅王室荼毒生靈覲天子如小兒辱

公卿如奴隸你今日英雄那里去了丑苦今日  
還講甚麼英雄小生曹操你也知道當時得志  
的日子短後面受苦的日子長麼丑大王我那  
里知道當初利比貪狼勢成騎虎也只管向前  
做去了早知今日悔不當初

黃鶯兒貼一手掌河山挾風雷指顧間誅鋤義士

把群雄剪神機鬼關難逃老奸陰謀晝夜無停算  
我那漢天子呵枉爲萬乘之主不能庇其一妻淚  
潸然睜睜兩眼看我去送紅顏鬼卒 跽科 稟上大

王小人聽那娘娘說起來感激小人十分苦楚  
十分忿怒容小人痛打這曹操一場萬死無悔  
小生這個使得看這人倒有些義氣華歆你爲  
名士到也不如他卒打丑科丑哭介我曹操時  
不利恁般人也來欺我貼賊你掌握了天下百  
官受你牢籠將士出你麾下四海財帛入你府  
庫天下歌舞美麗歸你房帷號爲魏王身加九  
錫出入建天子旌旗只不曾正皇帝的大號留  
下與兒子爲之還要瞞當時欺後世自比周文

王吾誰欺欺天平

啄木兒人堪給天可瞞萬乘旌旗九錫壇已做了  
王莽吞劉元自比文王佐漢如花二八紅妝選如  
流四海黃金輦到如今落得淒風伴冷煙賊子你  
欺人說天下若無孤不知幾人稱王幾人稱帝  
以此爲你的功勳麼我家高祖創劉力掃秦項  
光武興漢亦蕩群雄並名正言順救世安民你  
這賊縱能剪滅諸侯不得稱王稱帝只成就得  
你一箇享用荼毒生靈生靈受你的荼毒與受

他人荼毒一般假令他人爲之凶惡未必如你  
你說此話謂是有功於誰來小生伏后此言一  
發有理說得是

三段子

貼

你道是雄才大展罩乾坤猛可里諸侯

悉殄這的是炎精氣散歎生靈數應塗炭惡魔神  
獨把凶威煽刀鋒觸着無能免覩滅姓夷宗何曾  
眨眼賊你平生負心太多常怕人陰害你自言能  
噉野葛睡中殺人身後之計直設七十二疑塚  
開闢以來奸人未有如你這賊子者

啼鶯兒生前何人窺汝奸身後遺機尤險怕戮屍  
破塚伸冤七十二所難辨黑心腸都無上天也抹  
此閻君五殿享千年誰知今日剗地受迤邐丑娘

娘殺了饒了我罷

貼

曹操你當初肯饒了那個

來賊子你銅雀臺上多收美人羅列粉黛死後  
尚要奏樂上食皇帝一結髮妻子也不容他白  
頭到老你這賊好狠也人都道今古奸凶並有  
惡報只曹操極惡反被他令終牖下不知你生  
曹丕這一個逆子毒死母弟不許下氏營救你

宮中妃嬪悉被丕烝淫無一得免者當時花報  
不爲不慘矣曹髦之死刃出於背自古亡國之  
既未有慘于斯者誰謂天道不分明也

御林鶯別妻拏赴九泉囑銅臺奏管弦只指望一  
靈依舊同歡宴艷都鐵鞭泥犁苦煎縱然歌舞何  
由見勿多言生丕一子儘足報曹瞞小生伏后數

曹操之罪也穀了操罪既明着同華歆押赴無  
間地獄伏后冤死無辜合早生善地只因執對  
久滯冥塗着轉輪司將他速轉男身安享富貴

請三位尊師出來

吏諾貼

多謝大王女身今喜

變男形千古沉冤一洗清善惡到頭終有報皇

天上帝眼分明

下外

曹操奸凶滅絕天理大聖

問斷甚快人心望王遣一使者送我三人一觀

地獄小生

快着的當人役送三位尊師

鬼衆上

科衆鬼是東京戰卒被定興王計給枉殺特來

訴冤定興現在望大王勘問施行

吏稟上大王

木清泰既被訴冤法當拏下

木清泰既被訴冤法當拏下

小生

拏了

衆就座

上拏生去巾幘跪科小生

木清泰既被衆鬼訴

冤未知虛實着判官照業鏡併取直日功曹報  
帖查明回覆判官持帖上稟大王據直日功曹  
報至德二載郭子儀等恢復東京木清泰將所  
部軍斬安慶緒兵一千五百今訴冤衆鬼悉是  
陣中合戰斬戮與業鏡照出相同並非枉殺小  
生這衆鬼不知逆順爲叛賊力戰被誅今又妄  
訴不實着各打鉄鞭一百押入刀山地獄木清  
泰無罪以禮相待仍給衣巾生謝大王外末生  
我等三人暫別小生請了並下

### 第三十三齣

外末生同上

諸惡從心生竟亦從心滅緣境俱欲空因果不  
可撥使者你把輕重地獄一一指點我們一看  
使者指科這是八寒地獄這是八熱地獄這是  
號叫地獄這是刀山地獄這是劍樹地獄這是  
火車地獄這是鑊湯地獄這是沸屎地獄這是  
銅柱地獄這是鐵機地獄這是鐵丸地獄這是  
尖石地獄這是飲銅地獄這是炭坑地獄這是  
黑砂地獄這是釘身地獄這是火井石臼地獄

這是黑暗地獄這是拔舌地獄這是遊增地獄  
這是鬲子地獄這是灰河地獄這是阿鼻地獄  
這是假地獄外佛說經上不曾有假地獄之名  
使祖師這是我大王近日新創的獄名只因近  
日士大夫迷真逐假矯飾欺人一切道學氣節  
詩文仙佛徃徃多是作假的我大王惡之故新  
創是獄以處此輩外我知道這是使者惡此輩  
贗物故設是語大王不創新獄使實不相瞞此  
是大叫喚地獄分出的小叫喚地獄弟子戲言

耳但作偽諸公相應另有此獄外哀哉此輩衆  
生都是佛子只因迷卻本性廣起無明故墮此  
趣要脫苦趣須滅罪根要滅罪根須知懺法懺  
分事理不外一心事懺者朝夕禮拜祈哀不敢  
再犯理懺者端居而念實相罪業性空懺悔精  
勤罪根自滅罪根既滅福慧自生豈止永免于  
苦趣便可修證乎道果末生拜謝科多謝大師  
指教下

第三十四齣小生上

苦填不滿火坑屢償難了冤債安得三輪盡空  
化作蓮花世界自家閻羅天子日夜爲衆生造  
業勘磨公案判斷罪獄不得安閑世人造業不  
論廣衆大庭暗室屋漏不論施爲行事動念舉  
心這裏幽隱悉知毫髮畢照人都道是照以業  
鏡燭以火珠查考功曹對驗文簿如此而已不  
知我自家神光悉能照見今日有許多罪囚不  
免查問一番判官吏卒何在判官吏卒上吏稟  
上大王第一起清河張媽兒謀殺親夫夏璜事

問媽媽辯

稟上大王丈夫其實病故的如何冤

枉奴家

夫辯

此婦人與奸夫黃振合謀以索絞

小人至死

小生

令取業鏡來照

照科吏

稟上大

王業鏡照出張媽兒與黃振通情醉其夫以酒

二人合謀用繩索絞死夏璜是實

小生

是了將

重犯各用扭肘押入地獄

吏

稟大王第二起絳

州叅軍范博平將妻金氏推溺淮河身死事

小

生問金氏答

大王妾農家之女委果出身微賤

范博平布衣時娶妾爲妻貧窮相倚妾紡織裁

縫資夫學業清秋寒夜妻織夫讀相共一燈後  
博平得官身榮心變嫌妾寒微醜陋豈堪爲士  
大夫之妻韓平章有女許嫁博平載妾行至淮  
河誘妾乘夜開窓玩月從後推墮溺死竟贅平  
章之家范大王金氏其實登艫望月偶誤失足  
墮水博平頗讀書知大義豈敢作此負心事小  
生也罷叫鬼卒火速去召淮河水神來問卒諾  
下吏稟大王第三起太原王延叟告人謀子占  
產事小生問王延叟答稟上大王小人王延叟

家富子幼以家產託友人陳神愿家僕臧義兒  
兩人謀死兒子盡占家財產業盡空宗祀遂絕  
負義不仁莫大于是陳此皆臧義兒做的事小  
人頗知其謀屢屢戒止反辱罵小人不仁不義  
之事小人其實不曾同謀臧義臧都是陳神愿  
造謀小人區區一个家奴怎做得逆天大事小  
生這也不難令兩人以手自摸其心負心者手  
黑不負者手白卒命兩人摸心科卒稟上大王  
陳神愿的手白臧義兒的手黑小生義兒你如

今怎麼說滅小人今番招了小生叫判官把這  
廝着實用刑一番押入地獄判諾押下卒帶淮

水神上神

淮河水神叩見大王

小生

絳州叅軍

范博平妻金氏溺死淮水你知道麼神小神知

道大王聽稟范氏博平貧士金家女子寒微少  
小娶爲結髮夫妻頗號齊眉伉儷紅顏相得誓  
死白首同歸多少青燈夜雨共捱淡飯黃齏不  
是夫君薄倖爭奈勢異時移小家兒女可厭相  
國婚姻又催撇此荆釵裙布戀他翠繞珠圍名

士尚慕富貴賢相亦棄屣屣給此登臚逞望因  
而舉手輕推不是嫦娥尋伴還因河伯娶妻菰  
葉雲沉黑米蓮房波冷紅衣一曲湘靈寫怨千  
年精衛含悲大王要知此事君其問諸水湄小  
生我知道了淮神就此請回神諾下小生將范

博平押入重大地獄裏去

吏

稟大王第四起散

騎常侍孟豕韋謗司農卿蕭黃流交通逆賊事

丑

稟上大王蕭黃流其實交通史思明不是小

官造謗

小生

胡說這件事也不照業鏡也不問

功曹只以我神光照你你那一日欲造謗謀害  
蕭黃流卜之關真君關真君報汝大凶籤你尚  
不肯止再求再卜神明大怒筒裂籤飛這是有  
的麼 丑驚 大王這是有的小生 你回到密室閉  
門造謀婢女送茶到門聞你凶謀愚恐事洩手  
刃此婢這是有的是麼 丑驚 大王是有的小生 你  
造言謗蕭黃流交通史思明謀逆說蕭黃流曾  
在客坐上說史思明也是一員良將朝廷不能  
驅使以致猖獗卽此言語扭捏成謗書這是有

的麼 丑驚 大王是有的情罪已露神鑒無私罪  
人不敢再置一辯了 小生 孟豕韋造此彌天大  
謗致蕭黃流身死家破骨肉仳離着判官押去  
先拔讒人之舌然後送入地獄 吏 稟大王衆生  
多犯姪慾共若干起求大王判斷 小生 此輩爲  
慾火所煎可入湯火及入熱等地獄 吏 稟大王  
衆生多犯殺生共若干起 小生 此輩合入刀山  
劍樹等地獄 吏 稟大王衆生多犯慳貪謀奪強  
占瘠人肥已毫釐不捨共若干起 小生 此輩貪

習生水結水為冰合入寒水吒吒波波羅羅等  
地獄吏稟大王衆生多犯驕慢輕凌不敬天地

三光褻瀆聖賢欺侮尊長師友共若干起小生

此輩驕逸馳流奔騰放縱合入血河灰河熱沙

毒海融銅灌吞等地獄吏稟大王衆生多犯嗔

怒至於相殺相讐冤對無已共若干起小生怒

火交攻鑄氣為金宜入刀劍鐵捆斧鉞鎗鋸等

地獄吏稟大王衆生多犯奸詐欺誑共若干起

小生欺誑之人精神幽暗心志飛揚宜入黑暗

械鎖塵土屎尿等地獄吏稟大王衆生多犯罵

詈呪詛誣謗等罪共若干起小生此等矯枉壓

人橫作口舌宜入拔舌犁耕合山合石碾磑春

磨等地獄吏稟大王衆生多犯五逆十惡及謗

經毀佛等共若干起小生此輩名為極惡大罪

宜入阿鼻地獄直待劫終乃得出獄其謗經毀

佛者此劫雖終復寄在他方地獄永無出期卒

押下科小生判斷公事已完請三位尊師相見

卒請科外末生上外三途渺渺苦無邊末長夜

漫漫幾時曉生閻王怒目折萬靈合菩薩低眉

悲六道小生公事在身失陪三位尊師有罪了

外大王鑒觀有赫公判無私可敬可服小生眾

生屢劫受苦只是執迷如之奈何望尊師普度

外千聖證道俱發大弘誓願眾生普度不盡誓

不自證菩提爭奈罪業難盡地獄不空佛亦無

如之何也貧僧回至西天當稟過如來大轉法

輪使地獄眾生小蘇苦報就此奉別大王小生

不敢久留杖錫容弟子奉送地府冥冥無日月

尼珠何幸照迷途外末生願移天地為金界便

攪長河盡酪酥並下

第三十五齣外末生同上

外陰府遊遍風景可悲初學之人永當念此已

別大王我三人不免回閻浮世界去罷苦海茫

茫不盡流慈航只在一回頭聖賢元是凡夫做

爭奈凡夫不肯修同行科

懶画眉外冥冥地府遍經過晝夜眾生苦折磨愚

帆癡網自張羅欲將盡置蓮花座爭奈迷情不了

何醜女上昔為人所愛今為人所憎人憎與人愛

顏色總無憑好苦好苦伏望聖師救度外汝是

何人女奴家越國西施外西施天下絕美女子

怎麼是這樣醜的女師父這皮囊原是假的閻

羅怪我妖媚惑亂吳王以致亡國故罰作醜女

羞我實無顏見人外你的業障全在美貌今日

衰醜人不愛你你安能惑人業障去了可喜可

喜女多謝聖師指教下

前腔末刀山劍樹與灰河羅刹阿笏來往多悲心

不忍再經過凡夫好把無明破回首天堂只刹那

老病人扶杖上一息不來時英雄立枯槁哀哉

強弩末不能穿魯縞好苦好苦伏望聖師救度

外汝是何人老弟子西楚霸王項羽是也外怪

哉怪哉項羽拔山舉鼎如何這等羸弱老生前

拔山舉鼎氣力只爭喉嚨裏一線見一線不來

蓬艸也舉不得了閻王惡我雄壯殺人太多故

罰做一個最厓羸老兒在地府裡做个榜樣如

今一步兒也離拄杖不得好苦外只怕你離得

拄杖時又作偌大的罪業老師父說得妙知道  
了弟子拜謝下

**前腔**

生 茫茫苦海萬層波多為生前墮愛河蒙師

指我退群魔假饒不蚤離韁鎖難免無常此處過

二乞人上 業重難辭苦金多不鑄身黃泉無富

室何處去求人好苦好苦伏望聖師救度外你

兩人是誰丹弟子是范丹崇弟子是石崇外范

丹先生我知道你是貧士行乞是該得的石崇

你極富之人因何故也做此營生崇苦科不瞞

老師父說家中儘有此處帶不將來外大凡人

苦趣多起慳貪勸你再轉陽世時慈悲喜捨力

行六度檀波牢記吾言崇謝多謝大師指教下

**醉羅歌**

外 美好美好能為禍老醜老醜不招魔歎

西施綽約似仙娥傳粉薰香坐朱顏綠鬢堆雅擁

螺耶溪笠澤殘陽逝波一堆膿血紅羅裹釵繡蝕

骨嵯峨吳王泉下可知麼

**前腔**

末 啞啞啞諸侯奪叱咤叱咤萬夫挫倚英

雄赤手割山河自取彭城坐青絲匝匝黃金叵羅

健兒送酒虞姬進歌一朝軍敗爲逃虜豪氣盡壯  
心磨拔山舉鼎尚能麼

前腔生史雲史雲貧無那季倫季倫富敵國奈皇

天分得不均何司命權應錯山莊水碓田園占多

香塵步障王侯怎過悲來身死家仍破容瘦損鬢

摩挲黃金去也再來麼同下

第三十六齣

丑扮楊再思叩頭上

自家唐朝楊再思是也閻羅天子惡我生平爲  
人諂佞罰我做個叩頭虫逢人便叩內叫叩頭

虫是會說話的楊你們不知道大凡衆生有聲

的都是說話人自不省你們不省得福建人鄉

談難道不是言語祝欽明跳上自家唐朝祝欽

明是也閻王惡我輕跳罰我做個蛇蚤到也快

活虱行十步不如我一跳內叫任你會跳也終

日不出人褲襠裏祝你不曉得那孫行者神通

一個筋斗打八萬四千里也終日不出觀世音

手掌中李林甫上自家李林甫是也只爲生前

心腸太毒被閻王罰作大毒蟒蛇別樣也罷只

是餓得荒內叫林甫你自知太毒何不改變了

心腸李咳這是我舊業障自古道無毒不丈

夫伯齣上自家吳國伯齣是也只因生前專一

讒謗忠良陷害伍子胥被罰做個杜鵑鳥兒口

中終日流血內叫你那口血幾時流得乾齣幾

時得乾這也是一千年來流不盡的英雄血張

昌宗上自家張昌宗是也只因生前無行姪穢

宮禁被罰做個糞蛆這糞也覺好生香美內叫

糞是爛臭之物如何到說香美張這是我宿業

所招你今日移我在沉檀麝腦中教我好不不自

在哩元載上自家唐朝元載是也一生貪婪酷

好積聚財利迷心不顧後患被罰作個撲燈蛾

兒狠死向前不到焦頭爛額也決不肯止王戎

上自家晉朝王戎是也一生貪恡不捨一個錢

兒只一個李子也鑽了核兒與人被罰做個蠅

娘終日抱着糞團兒抵死也不肯放哩宋之問

上自家唐朝文士宋之問是也一生文采只是

性行不端躁進勢利做了明河篇詩兒妄想非

分閻王愛我文采惡我無行被罰做個鸚哥鳥  
兒毛羽儘好說話儘伶俐只不離了匾毛司馬  
懿上自家晉朝司馬懿是也平生爲人奸險幽  
暗深藏不測被罰做個癩黑蟆終日只躲在泥  
坑裏好生氣悶曹丕上自家曹丕是也生前憑  
藉父親威勢害盡骨肉殺盡好漢淫盡美色一  
生享用富貴滔天閻王道我也忒受用忒凶狠  
過度了被罰做一個水牯牛一生耕田拖犁負  
重走遠好生辛苦臨了也還要償人一刀好苦

好苦楊列位請了我們皆因宿罪墮在苦趣衆

生聞西天祖師來遊地府都要去相見求他度

脫大家追到這里怎的不見借問路上人西天

祖師那里去了內應祖師回陽界去了也楊苦

我輩俱無緣不得一見聖僧奈何奈何雖然苦  
惱我們苦中作樂大家唱個曲兒回去罷

降黃龍衆一辭人世黃泉路上少親知形骸離我

業識相隨白玉黃金將不得兒啼子哭也爲誰四  
時麥飯枉傳杯一堆荒土空標紙壘嘉城只爲狐

狸造室叠羅綺單替螻蟻裁衣

油葫蘆泉路茫茫鎮慘悽何曾分晝夜那里辨東西從前作過自知虧平生冤債都來至怎能逃光明業鏡臺怎出得檢校功曹吏只道是磨燒干槎形骸毀卻怎知黑風一陣又吹回

天下樂造業身軀只一堆難當衆罪婦質對分明事怎推銅搥兒只亂搥鐵鞭兒只亂揮唬得人魄散魂飛

上馬嬌誰知道各衆生都會言肉團兒也有知一

靈與我不差池又乘着業力爲冤對謀性命取家貲殘骨肉啗膏脂心棘刺口戈及廣造無明一味貪癡到此方知悔是遲任阿旁又入泥犁

寄生草受苦無寧息號聲不住嘶劍和刀當做衣穿體魄和骸一似糧舂碓水和漿那得克饑餒更可憐形骸七尺廣由旬又可奈日長一夜如年歲後庭花想當初只憑着莽見識又倚着粗血氣爭名利直做千年計道光陰相延萬歲期綺羅堆田宅美官高身貴眼前花且受些身後事不須提說

學在詩下四十五  
天堂你好癡論地獄在那里毀如來絕影迹撥因果沒巴臂

青歌兒 呀誰想道善與惡有人有人密計因與果到頭到頭難避無漏無差毫與釐脫得泥犁掙得輪迴面目雖殊業趣還隨披毛帶肉總堪悲下場頭看我輩

尾聲 叩頭蟲體疲毒蟒蛇腹餒跳蚤兒幾時出得人褪褲內蛆蟲兒怎當惡滋味黑蟆兒受用些土氣息燈蛾兒戀火坑蠅娘把糞丸兒當做了寶貝

水牯牛拖犁負重無休息只有鸚哥兒毛羽美杜鵑兒說曾爲蜀望帝可也沒箇憑據勸世人及早回頭策厲莫待失了人身呵那里去還尋你 並下

第三十七齣

末扮木韜

小生扮郭駿

梁州令

旦上

春光不改舊門牆爲何事淒涼

貼小

旦上

遊仙人去冷華堂塵掩鏡妝褪粉被銷香

旦

一從仙子去天涯何處蓬萊是爾家白日有人乘野雀青天無路入桃花二姬自從老爺去後音信杳然又不知他尋仙訪道東泛蓬萊又不

知他禮佛參禪西遊天竺你我久住菴中好生  
放心不下聞得都城宜春門外大悲禪寺觀音  
菩薩屢著胖蠻籤詩極靈我和你三人坐綠輿  
往彼隨喜問一靈籤求个消息老爺至心訪道  
當爲大士悲憐必有感應你去叫老蒼頭木韜  
帶幾個家僮隨從一行你二人意下如何 貼小  
旦 太夫人此行一則頂禮名山大士一則叩問  
老爺信音有何不可二妾願從 喚末帶從人上  
貼小旦 院公太夫人要到宜春門外大悲寺求

靈籤問老爺消息你們可隨行 衆應旦貼小旦  
升車行

黃鶯兒

旦

出郭探春陽帶青樓紫陌長晴空日暖  
游絲颺林花荐香山鶯奏簧鞦韆架出垂楊上委  
傾筐城南少婦羅袂拂柔桑

前腔

貼小旦

士女競尋芳卻教儂魂暗傷笙歌猶

記前春賞衣飄綉襠垂紫韁如今轉眼成惆悵  
別檀郎名花無主寂寞度年光 末稟太夫人來到

此處已是大悲寺前了請進拈香 尼僧出迎科

大悲寺尼僧迎接太夫人 尼引旦入拈香拜科  
貼小旦以次拜介

前腔 旦 夫壻定與王剪凶妖立廟廊功勳圖画麒麟像風波飽嘗煙霞興長一朝道服飄然往去何鄉願求寶炬好爲照迷方

前腔 貼小旦 遠望玉毫光禮慈容拈戒香良人汗

漫遊禽尚何曾裹糧蕭條布裳不知西尋天竺東蓬閩水雲鄉渺茫難覓因此上叩雲堂 旦求籤科

詩云 由來仙佛是天生有志須教事竟成莫道

優曇難得見學人功到自圓明原來得此籤號爲上上尼姑你曉得優曇是何物 尼稟上夫人

優曇花產西方佛國佛經上說道優曇花難見面 旦 奇哉奇哉原來優曇就是曇花倩香凌波如來分明說出我家事情如來果靈老爺求道可望矣不免謝了如來同回去罷 拜謝科旦郭

賈二姬今日春日甚好我和你二人且不要升輿步行一程散悶回去 貼小旦 太夫人如此卻好 步行科

山坡羊

旦

煖熏熏春光如釀碧溶溶波紋微瀉蘸

裙邊鋪裯草織襯弓彎堤路平如掌映綺疏朱樓

大道旁汀洲新綠新綠蘼蕪長何處王孫天涯惆

悵洋洋河魴泳水鄉雙雙鴛鴦遇野塘

前腔

貼小旦

峭層層山圍青障細茸茸麥翻翠浪

試單衫遊人漸多載芳樽車騎紛往來怕相逢將

身柳外藏新妝無復無復當時樣仙履雲鑲道衣

霞斃思量花源隔阮郎淒涼佳時負艷陽

同下科

小生騎馬帶隨從上

出郭問遊驂青驄映紫衫

垂楊人似蟻春色在城南自家汾陽公子郭暖

是也今日春色甚佳城南遊覽你看林花似綉

車騎如雲真个好光景也

步步嬌紫陌青驄駟輪鞅處處亭臺敞平蕪錦翼

翔日射花光香滿春衫上便欲解明璫隔一派笙

歌響呀遠遠望見一隊女兒行春來也

旦貼小旦

上小生偷覷科

前腔

旦貼小旦

南陌盈盈聊遊賞徐步還凝望空

門守歲長夜漏琉璃何限離人况春日小徜徉月

痕依舊梅花帳

下小生

誰家女子國色天姿如西

施耶溪出浣日照新妝羅敷南陌採桑風飄素袖不由人不目送也

五更轉浣溪沙西施樣似羅敷出採桑又是這等

雅素道裝呵瑤臺仙子仙子幢幡降靡蕪惹恨長芍藥難懷想漢渚人解珮誰承望爲雲爲雨爲雨高唐上去覓夢裏襄王爭得明珠入掌

下

江兒水

旦貼小旦上

郭外人如蟻輪蹄直恁忙琳

宮半插青霄上城隅斜刺丹霞傍杏花微拂青帘

颺無數隱囊步障喚客當壚妝點春郊景象

園林好想夫君雕鞍繡裳侍姬們羅裙錦襜正此

日牙旗列仗追往事嘆滄桑追往事嘆滄桑

小生

上覷科旦貼小旦下

玉交枝

小生

雲冠鶴氅是天人偶來下方雙成萼

綠雲中降影踟躕並侍西王不將脂粉污澹妝天然丰韻非凡相更羨他容端貌莊更敬他人柔意良侍兒輩這分明是董雙成萼綠華隨侍西王母降下凡世也

衆

公子休癡這想是大家宅眷有

綠輿從人俱在後面小生侍兒們想我家不少  
三千粉黛八百嬌娥那里有這二位女郎丰韻  
定應天上仙姬豈是塵中艷質衆公子俺們府  
中豈少此二人久居華屋轉美茆菴饜飫珍饈  
反思青菜文字是自己的強美色是他人的勝  
此亦人情耳請公子尊重

玉胞肚

小生

瑤輿翠帳大家兒如何素妝細看他

道骨仙姿時露些艷態嬌龐吾心暗想府中粉黛  
列成行那得花間二女郎下

玉山頽

旦貼小旦上

天青日朗看朱戶花陰過墻

踏青苔軟印鞋跟落紅多薰染衣香城隅薄暮轉  
鬧馬蹄車鞅蹄路橫塘上綠微茫水晴沙煖暎垂  
楊

三學士西指香臺久相傍羞言南國明璫齋心蓮  
土叅開士何意桑園遇貴郎好去雲房仍下鎖雲  
封戶月在廊小生又上撞遇科旦怒叫左右前面

是誰家蕩子敢行無禮只管往來偷覷唐突王  
侯宅眷着人查來左右看後面車馬我們待升

輿回去者升輿科末問介前面誰家蕩子敢行

無禮只管偷覷唐突王侯宅眷郭使咄我們是

汾陽王郭老爺公子郊外行春到此你們甚等

樣人家敢來查問末我們是定與王木太夫人

同二位侍姬往大悲寺燒香回來郭使稟知小

生作羞愧科咳不好了那里曉得是木府通家

伯母唐突了父親知道何以爲人不免向前告

罪輿前跪科小姪郭曖是汾陽王長子偶在西

郊醉酒踈狂不知是通家伯母專從唐突尊嚴

罪該萬死望伯母太夫人亮其無知寬宥旦在

輿中答爲貴家子弟不應如此踈狂既是郭公

子失于不知此亦無妨請回罷小生伯父辭榮

入道世仰高風伯母亦掃室清修古今罕有家

尊正要上本表揚令德且推轂世兄小姪喜得

在此處邂逅伯母軒車便當回去稟知家君速

入朝上疏了旦這也不勞公子請回蓮花幾載

比丘身偶訪名山叩淨因寄語王孫休住馬提

筐不是採桑人下小生我郭曖也是个老成人

從來不曾放蕩偶然學看女子看出禍來了怎  
麼好

解三醒走春郊偶來遊賞適邂逅仙姝路傍一時  
間心招目挑神魂蕩做來桑濮行藏誰知道通家  
一老堂携着雙姬叩法王羞難向羞難向只恭身  
屈體露罪娘行衆公子豈不聞夫婦同行陌上者

夫挑人婦人亦挑其妻願公子以此爲戒

川撥棹小生休閑想莫輕彈陌上桑况蓮心已守  
在空房况蓮心已守在空房斷巫雲何知楚襄美

仙卿道未量恨凡夫慾未降恨凡夫慾未降  
人月圓想寂寞空門歲月長一盞寒燈一炷香虧  
煞他夜雨秋霜虧煞他夜雨秋霜鐘罷紅殘漏未  
央况良人去渺茫斷音塵雲水鄉

僥僥令莫登青雀舫好繫紫騮韁怎做大道青樓  
喬劣相少年行没下場少年行没下場

尾聲望吾家烏衣朱桁不少金釵紅粉妝且回去  
鸞鏡奏響爝炷生光下

第三十八齣小丑扮北幽太子上

寶馬銀鞍南陌頭誰家少婦踏青遊  
鈿釵邂逅垂楊下惱亂春風不自由  
自家北幽太子是也姿容秀異性格  
風流昨日帶騎從在長安宜春門外  
閑遊陌上遇兩個女子一個名郭倩香  
一個名賈凌波乃定興王木清泰侍姬  
國色天姿不數石家之宋禕歌喉舞態  
絕勝漢武之麗娟令小子一見動情  
神魂飄蕩聞得木公雲遊在外二姬  
厮守空房不免教一女使假克作昨日  
相遇公子郭曖家婢徑到他菴中說  
合二姬心

動見許便當迎娶恐他不從隨差鬼使  
將二人神魂纏倒不怕不從又聞那木  
夫人以家事蹙離菴中正好行事女使  
胡媚兒那里胡上後宮多粉黛惟有妾專房  
此鄉真可老何字別思量太子呼喚奴家何幹  
小丑不瞞你說我昨日在南郊遊春見  
兩個女子一個名郭倩香一個名賈凌  
波乃定興王木公侍妾天然國色人世  
罕有聞得木公雲遊在外二姬厮守空  
房差你假克作汾陽郭公子家使女徑  
到他菴中說合道

郭公子昨日南郊相遇渴慕芳姿欲娶二位爲  
次夫人你可盛道郭公子家富貴令他心動見  
許我便當迎娶胡太子貴妃利害况妾又是專  
房眼中儘穀寄情何故又生別念我不去小丑  
胡說看你嘴臉說此話好不知羞胡也儘去得  
小丑你不去時發在重囚獄中胡我去我去南  
陌佳人色艷北幽王子情濃蜂媒蝶使入花叢  
只恐花心難動下小丑鬼使何在鬼使二人上  
太子有何分付小丑你二人可隨胡媚兒徑到

木府菴中將郭賈二姬神魂纏倒我隨後到也  
鬼理會得下小丑夜雨青燈映綠蕉可憐人度  
可憐宵同來陰府供歌舞絕勝空房守寂寥下

第三十九

貼上

唐多令春色滿名園千花齊鬪妍

小旦上

偷閑好

去倚雕欄枝上幽禽何限

冷人不到景悠然

貼經

年一室對禪樓門外春光總不知小旦聞道堦

前紅藥長芳園元只隔簾兒郭姐姐昨日我們  
同夫人郊外回來頗覺春遊亦暢只是被那輕

薄公子唐突一場這也不在話下我二人同夫  
人在菴中三年春去秋來花園只在門兒外並  
不曾出去一玩昨晚公子迎夫人覩過舊宅我  
二人自家在此園中花事正盛同出門去一看  
如何貼略到園中一看就回不妨同行鎖門科  
貼賈妹子你看園中芳樹交加名花爛熳人跡  
不到幽鳥自啼想桃源僻處不過如此小旦姐  
姐真个好幽閑景致

石榴花

貼

偷移蓮步片餉看名園風日好百花妍

青苔紅藥媚雕欄暗垂楊橫過樓前含風嫋烟境  
全幽盡日無人見泛胡麻難入漁郎隱仙姝絕勝  
桃源

前腔

小旦

相携女伴消遣艷陽天剛數步卽家園

花紅水綠映澄鮮聽幽禽芳樹間關啼聲可憐看  
靡蕪驀動王孫怨蝶蜂兒自領春風送年光誰伴  
韶顏胡媚見上朱門寂寂鎖嬋娟春色緣何到此

間爲認桃香因得路止循源水卻逢仙二位娘  
子萬福貼小旦驚科侯門如海人迹罕到汝是

何人輒得至此胡妾身唐突知罪了適纔見貴

府花園門開大膽直入不想有幸得遇天仙貼

小旦 汝是誰家宅眷為何到此胡實不相瞞賤

妾是汾陽王府中一个奴婢昨日公子郭曖偶

出南郊遊春得邂逅二位娘子國色天姿整整

思想了一夜俺公子說木老爺雲遊不返二位

娘子寂寞空房白日如流青春有幾俺公子願

以明珠一斛聘娶二位娘子二位娘子是知道

的俺汾陽王府權可傾朝富堪敵國豪華絕世

受用非輕伏望娘子慨許貼小旦公子之言差

了俺老爺斃去雲遊焉知終身不返你公子通

家子弟安可輒萌此心况郭府粉黛盈房豈少

我二人之容色我二人洗妝入道怎遂變三載

之初心就請抽身勿勞饒舌胡二位娘子聽賤

妾一言

泣顏回南陌遇神仙使王孫意惹情牽舞裙歌扇

忍淒涼斷送芳年金釵翠鈿論豪家富貴誰不羨

莫空辜秋月春花好追歡暮管朝絃

前腔

貼小旦

羅敷守志在郊園使君有婦休問桑

間紅銷翠減卸鉛華寂寞枯禪空門種蓮肯當歌

又逐桃花扇况豪家不少紅妝又何須老去朱顏

胡

我實對你說那里是郭府是北幽大王太子

昨日見了二位姿色要娶你們少刻鬼兵就到

不怕你不從

貼小旦

原來是妖鬼我們仰仗三

寶之力那里怕你

鬼卒二人上陰風衝倒貼小

旦科鬼卒下胡扶回至菴中胡下貼小旦

來到

花園不想是妖鬼我兩人不覺身體昏沉如何

是好且入臥房睡去待夫人來再作區處偶然

園裡看花自信花心不動謾說妖主人興可是

神衰鬼弄

同下

第四十齣

旦上

似娘兒只合守空菴怎教他私出房奩無端鬼病

誰招攬問因何得此蓮心未淨桺性猶拈我昨日

以家中急務被孩兒迎過舊宅住了一時不想

郭賈二姬私到花園玩賞惹成一病說有鬼怪

相侵神魂不定怎生是好已着小鬟去請孩兒

龍駒想必就到男子來時病或者就好

**遶地遊**

小生上

朱扉常掩皓月清池湛怪玉人何

**事懨懨**

相見合旦

孩兒昨日我暫過家郭賈二姬

到花園中閑玩驀地染成一病說是鬼物相侵

我思三寶門中安得有此同去一看他病果是

如何

二小鬟扶貼小旦上

**前腔**

清閨夢魘曉黛愁蛾斂漸香肌瘦損腰纖

旦

二姬你昨日到花園閑玩怎的忽染此症快說

一個緣由

貼小旦

昨我二人因太夫人不在不

合私到花園閑玩一回只見一個女使忽從外

入問從何來說說是郭曖公子差來的因南郊一

見驀然起意要娶我二人峻辭正色以卻之此

婢忽變容顏云那里是甚麼郭府乃北幽大王

太子昨在南郊撞遇要娶你二人頃刻鬼兵且

至不怕你不從說猶未了只見兩個鬼卒藍面

獠牙徑衝至面前我兩人忽然昏暈倒地又是

此婢扶我二人回至菴中都不見了因此得病

且是何妖怪敢無狀如此

小生

木龍駒是個剛

猛義烈男子豈容妖物橫行俟其再來當仗劍  
斬之 鬼忽作人語不見形 木小侯知你是个好

漢但我輩神通變化出入無汝雖有劍安能  
斬我 小生 妖物汝既能言何不速現汝形與我

相持厮鬪分个勝負 取壁上劍科 鬼 君神力義

勇不減尊公如何敢與你相鬪你只無奈我何

旦 這是三寶淨地有天神護法汝輩何得至此

鬼 佛是大慈悲聖人有則充滿沙界無則對面

不逢菴中此時不見有佛故我輩得以至此可

速送此二姬與俺王子成親免受搔擾 旦 如來

不臨伽藍不護想是弟子修行尚少精虔待我

焚香頂禮懇求如來則个 焚香禮拜科

金索挂梧桐 毫眉 染鬱藍海目揚清紺丈六金身

烈火雙肩焰焚香辦至誠叩莊嚴二女窺園乍捲

簾忽驚一病成消滅道有妖神向此探真寃濫風

情月思幾曾諳魂夢都慊言語都謔仰望龍天鑒

前腔 小生拜科 金仙住寶龕那許妖邪瞰敢肆神

姦欺侮裙釵辱梁間下藻廉語喃喃風雨花枝弱

不堪因此上投誠三寶來修懺他說北府幽都太子銜真靈驗公然白晝現香奩頂禮瞿曇稽首伽藍願借降魔劍

前腔 貼小旦 春光只隔簷夜月慵窺檻是不合潛

行綉履西園站雕牀虽自扶暗羞慚剗地妖來病轉添花容憔悴愁難鑑體不勝衣髻未簪身如疔風流擔子那曾擔紅粉寧殲黃土寧淹定不把清

名玷 旦 二姬你們運偶衰弱心實堅貞料得那魔終不能為害我與公子叩求三寶必有冥佑你

且安心養病則个

東甌令休自憾莫生嫌一點虔心佛可參天神必定相憐念豈墮妖坑塹韋馱玉杵手中拈會見鬼形潛

前腔 小生 慙勇敢愧兒男三尺龍泉空自銛欲提

將魔子頭顱砍罪孽應須勘天兵得請下塵凡妖黨一時芟 並下

第四十一齣 外扮許旌陽真君帶將吏金童玉女上

高陽臺引奉道明王授書謚姆淨明忠孝為則綰

授旌陽符籙神丹施德救災卹苦蘇黔首漸三千  
八百崇積斬蛟螭手握青蛇大江波赤

前腔叨蒙上帝金冊拜高明太史上清仙客碧落  
遙空紅霞暮雨千尺石函遺記游帷觀讖地仙龍  
沙生塞喜功成龍車鳳輦一門拔宅神人授訣鍊  
丹砂濟世功圓躡彩霞千載栢枝能拂地萬年  
生鐵不開花九江秋冷妖蛟哭三楚天清劍氣  
賒但願時人修入道他年定許會龍沙自家旌  
陽許真君是也淨明忠孝大道本於人倫救病

除妖功行先於拯物故得出一飛形驂鸞鶴于  
天上升真拔宅鳴鷄犬于雲中絳闕神霄班高  
仙長金書玉冊位證真君定與王木清泰宿世  
上根今勤修鍊其妻衛氏勵志雙修感化二姬  
亦誓同苦行前日從大悲寺回家道遇北幽大  
王之子少年無度遂起邪謀欲以勢力強娶二  
姬爲妾衛氏子母虔禱如來觀音大士勅吾拔  
救北幽大王性行公平宣勞冥府子雖不肖太  
上有議功議貴之典北幽之功所謂以十世宥

者未可輒行誅戮只宜嚴示訓懲王子地尊勢  
重難以遣人小聖親往一問其罪不免扮做一  
法官道士徑往木家呼吸之間便可到彼將吏  
侍者暫且散去衆應下外扣門小生上何人扣

菴門原來是一位道者從何處來外貧道從豫  
章來小生有勞高人遠顧何以見教外貧道聞

貴府有二位娘子被那魔侵害貧道頗有法力  
能制此魔故此遠來小生寒家果有此事多謝

法師光降小丑領衆上親迎神女到陽臺烏帽

緋衣雲錦裁不是黃姑先駕鵲帝孫爭肯渡河  
來自家北幽王子聘娶木家二姬推調不允只  
得親到奉迎不怕他不去呀來到其家門首緣  
何有金甲神將重重圍繞鬼卒稟上王子許旌

陽真君降臨木府小丑驚科他來做甚麼此公

雖然道法最高我乃玉葉金枝地尊禮絕以禮  
聘娶姬妾王家常事與他無干不怕他撓阻直  
入則个叫左右好生伏事郭倩香賈凌波升輿  
而去衆應小丑與外相見小生亦見王子科外

仗劍科 咄小兒休得無禮汝父位列冥君粗立  
功效汝不思懷公秉正勉繼前修何乃倚勢作  
妖强奪良婦上得罪於玉帝下玷辱於祖先本  
當飛劍立斬汝首姑念汝父薄分權貸汝死可  
速斂戢改過自新若再不悛身首異處 小丑真  
君差矣吾非下鬼小妖堂堂王子正位東儲連  
姻帝族精兵百萬神將千員以禮聘娶姬人王  
家常事何預於君妄行呵斥若不得已而至于  
用兵豈遂出君下 外小妖敢爾見色迷心宣其

淫德是為不仁定與王至德人豪無故欲奪其  
二姬是為無禮不念爾考以姪慝敗其家聲是  
為不孝不畏上帝之大命不顧真官之三尺是  
為不智有此死罪四尚敢飾辭逞辯汝豈謂吾  
劍不利耶 仗劍作法科小丑大恩欲遁不得科  
小妖吾金甲神將密匝圍汝數十重豈能逃脫  
可速納款改過自新不爾無及 小丑跪告罪乞  
哀科

高陽臺

外駕霧鞭霆破山伐廟蕩掃修羅鬼國玉

節金幢恭行上帝符冊麾斥手提神劍誅邪黨假  
饒是犯正條違天律那怕你神通六臂插天雙翼  
前腔赫奕金甲神人銅頭猛將密密滿空戈戟霹  
靂飛光妖氛何處藏匿奸慝絳闕丹霄頒詔旨况  
如來更傳佛勅早教你驚魂破膽竄身辟易  
前腔堪惜冥府崇階神明貴胄如何不行正直作  
橫宣姪等閑妄逞胸臆輕擲把金枝玉葉斷送了  
還累你家尊清白想王家娥媁不少忍干三尺  
前腔女德陡洗鉛華力依三寶你卻要污他白璧

大將藥叉護法韋馱肯釋蕩滌古人知過皆能改  
早懲愆賢賢易色小丑不肖知罪了望真君寬宥

外我代天行化寶劍在手于汝孺子何有哉顧念  
慈悲好生貸汝一死還當取吾皇詔旨量行戒飭

也罷釋汝回去洗心改行永作正神行正事小  
丑多謝真君下外木侯過來汝家二姬被鬼氣  
所侵病勢沉重賜汝神丹一顆可中分食之疾

可立愈就此告別小生多謝天師救此二命快  
請母親小鬟扶二姬出來一同拜謝天師者外

不必致謝吾去也寶劍當空除大魔神丹入口  
起沉痾竦身忽指雲霄去下見滄溟浸白波下  
旦貼小旦上小生好告母親適纔仗劍除妖道  
者事畢騰空而去元來是一位天上聖師想是  
佛天差來的我們大家望空拜謝衆拜謝科小  
生天師臨去時留下神丹一粒教與二姬分食  
沉痾立愈貼小旦分食科呀果然纔入口時神  
氣頓爽真仙丹也

二犯傍妝臺

旦

稽首謝天師雲端降下剗地救災

危多應仗三寶力宣法旨五丁隨早見北幽王子  
威風減免得南國佳人粉黛摧合真君仙仗浮空  
羽旗七星冠映九霞衣

前腔

小生

鸞笙鳳吹响參差神符寶印六甲帶靈

飛風雲掃妖氣滅雷電閃劍光馳只見魁臺使者  
明戈甲又有叱火天丁聽指揮合前

前腔

貼小旦

狂風驟雨妒花枝擎雲隻手救取兩

娥眉望子恨蔣帝廟太乙檢華山祇幸仗青霜寶  
劍降魔事又賜絳雪神丹續命絲合前旦孩兒二

夢本言下六十一  
姬這場災禍原從郊外禮拜觀音大士惹得來的我又同你苦求佛力救護真君此來必是菩薩差遣我和你們還當拜謝如來  
回身拜如來

下山虎

旦

龍天護佑佛法加持勅遣真君至驅邪

片時全憑大士弘慈恍惚金容在茲不枉蓮花兩淨尼合十投五體但見青螺紺髮齊轉覺形骸穢何年脫離彈指迦毗盧國西

前腔

小生

渡河香象擎海金鳩絳闕青鸞使雲端

一麾只見神仗散歲蕤冥帥走離披玉葉王孫泣路岐何處求佳配羞殺銀屏綉幄期鴉鳳原非類終難並棲到底蓮花不染泥

小桃紅

貼小旦

紅妝久洗翠館長辭不復御羅衣

也禪心淨持明月瑣窗知何事遇狂且自分香可殘玉可碎甘做琉璃脆也忍去王宮再画眉仰賴龍天庇扶衰濟危幸免如來戒體虧

旦孩兒這一

位天師既除妖孽又賜神丹法力甚弘恩德非小只不知他是何仙真臨行又不敢動問奈何

奈何小生孩兒在邊廂聽得那北幽太子從人  
說是許旌陽真君下降且原來如此旌陽真君  
拜上帝金印寶籙神劍靈符總統群真仙品最  
貴不是此一位上仙如何有這等法力貼小且  
好告太夫人二妾蒙上真如此大恩無以為報  
意欲裝塑真君一金像供養如來之旁一同朝  
夕禮拜夫人尊意若何且知恩報恩這個正該  
如此

**長拍**

衆

許氏真君許氏真君高明太史授寶籙仙

班極貴除凶蕩穢曾禹步快斬蛟螭拔宅上天梯  
又留下一行行石函金字遺記龍沙妖孽在寶劍  
當空霹靂飛鎮長江玉隆留鐵柱萬神擁綉蓋華  
旗且孩兒二姬我們今日蒙如來感應又蒙真君  
降臨若不是老爺修行證道福德弘深怎能感  
格仙佛顯應如此我仔細推詳起來老爺雲遊  
消息可知矣此又是一大喜事小生貼小且夫  
人所見極是

**短拍**

衆

佛印曇花佛印曇花仙踪函記雲遊消息

真奇抉腎有金錕又降靈官劍珮定不是偶然來  
至此去西叅耆岫歸來日已證摩尼

餘文衆天香裊仙音沸遙瞻帝闕隱璇題想見真  
君奏玉墀

旦破暗慧燈須佛法

小生驅邪寶劍仗仙人

貼既披戒服叅西聖

衆又頂星冠朝上真

第四十二齣

小生扮香案吏  
皓翁

小外扮雷師

小生上

晃晃彌羅宮巍巍鬱蕭殿始劫幹延康

大道超龍漢玉膀青霞標金闕紅雲爛上帝肅

神霄侍衛無昏旦瓊瓏七寶牀綽約五明扇上  
主初利中下轄須彌半無私宰群方玄機妙吹  
萬握鏡象昭回平衡化敷誕秘檢張金箱霧文  
一何燦迹隱蝌蚪書理顯龍鳳篆幸哉列清班  
詞曹領香案下官玉皇掌書香案吏是也舊隸  
下方之仕籍今叨上界之仙官修文積學稍長  
靈機砥行積功兼栖真宅故得位列清班職司  
秘檢常侍寶座日近至尊身心轉虔夙夜匪懈  
世人不知天界景象下官畧道數語流傳人間

學在記下六十四  
須知上帝高居不比人王宮殿玉階金埒非玉  
非金乃元氣淋漓而結就龍車鳳輦真龍真鳳  
亦陰陽苞絡而化成桂樹叢生夾道左右護以  
蒼虬桃花蘼藿當門上下守多赤豹靈官佩印  
青絢之履飛雲姝女撾笙碧玉之冠偃月花中  
之雨繽紛時演法于梵唄殿上之光晃射非借  
耀于璘儀太乙領翠娥而來朝金闕盡推五丁  
之火輪天尊偕雷師而講道玉虛齊啓九天之  
電鑰玄都開大洞之章芒纏象緯仙伯簡清微

之籙聲軋雲韶學道始自鞭心登真必由澡行  
九晨七御迺相統轄尊卑體秩森嚴千官萬靈  
各有司存政務紀綱悉舉常僑持鬢大赤禹餘  
分玉清列太霄各號種種不同同隸于上帝清  
景索真明晨侍書掌瓊笈檢瑤編職掌紛紛不  
一一屬于天曹大道廓而無央何限出無入有  
神工運而不宰但見時行物生上界之考校勸  
懲斟酌權衡玄機莫測大要貴在清虛下方之  
治亂興亡主張劫運妙用難窮只視人間罪福

得道者鞭霆駕霓坐麟踏鳳逍遙于碧落霞宮  
 失道者屑雲雕雪檄龍命鴉勞苦于紫虛雷部  
 道無色象玄黃出思議見聞之表修有等倫階  
 級總虛無寂嘿為宗九關使者來報西天祖師  
 賓頭盧來遊天界佛理願聞聖僧難遇下官恐  
 上帝欲請見只得在此伺候遠望聖僧飛錫來  
 也外末生同上外玉府瓊宮帝闕高末青書琳  
 札列諸曹生真人幸假雲霄翼耳畔天風泛海  
 濤外貧僧與仙伯西來一同來遊天界萬霧咸

仰九闕不同且喜已到帝居了末生真个好清

虛境界也小生相見科西方祖師弟子掌書香

案吏稽首外掌書仙子少禮末掌書仙長拜揖

小生蓬萊仙客拜揖生掌書大仙客下界木清

泰參拜小生奉道高人不勞行禮天界清虛罕

聞西教幸祖師儼然卓錫願暫留天宮大轉法

輪而去外貧僧志願弘慈道慙無上未窺一乘

之極則敢忝三界之師模新度弟子久溷塵勞

因迷宿本善心雖發道念難堅先引入鄂都歷

觀苦趣再拽升天界參究樂因用以鞭策凡流  
成就新學耳此來未奉如來法旨不敢輕會帝  
君常見天主輩冲挹太盛執禮過恭以此不便  
叅承潛觀天界景象去也 小生 佛法難聞聖僧  
難遇祖師此來不會我上帝恐上帝罪及下臣  
奈何 外 貧僧偶爾微行至此若會帝主事體重  
大非奉佛旨不宜輕舉帝心必亮爾亦何辜請  
別了 小生 如此弟子亦不敢私請佛法恐重得  
罪 外 佛無多法只修一心若要修心無過寂照

小生 多謝祖師教誨 相別介小生下小外白髯

上 職列清班侍玉樞琅編曾訂太霄書玉皇駕  
幸長生殿手板親扶白鳳輿下官雷師皓翁是  
也奉上帝勅命來見西天祖師 相見科 祖師稽

首 外 雷師稽首 小外 天宮有幸得蒙聖師光臨

上帝聞聖師卓錫大喜欲屈登寶座講楞伽寶  
積金光明等經今日適駕幸高上神霄官會長  
生大帝紫微大帝青靈大帝六波天主太極真  
人會議唐朝劫運事未得燕閑明日奉屈拂席

焚香以待外講經說法廣利人天大是美爭往  
時西方沙門赴天宮講經必奉如來法旨而來  
此番貧僧偶同新度弟子潛遊天宮欲以開化  
新學未奉佛旨不敢輕易登壇容貧僧回西天  
稟過如來卽當至此叨冒講筵幸爲多謝上帝  
小外下官敬依尊命回覆上帝去也下生蒙祖  
師相携先遊地府後到天宮吾師大恩人生良  
邁但弟子未知天堂地獄何以苦樂之懸殊善  
惡因緣路徑從何而分別望大師指教外苦樂

之途分于善惡善惡之介起自一心純善無惡  
是爲天堂純惡無善是爲地獄善惡均等是爲  
人道五戒十善則生天堂五常五戒則生人中  
盡破五戒廣行十惡則入地獄天人路徑大要  
以五戒爲本五戒不持人天路絕至于一心旣  
了萬行俱純由修行而得戒由解法而悟道頓  
悟至理漸滿萬行空有兩妙善惡雙忘則爲無  
上菩提貧僧稍識路窺門愧未登峰造極耳末  
生同拜科多謝大師指教

玉芙蓉外 罡風兩鬢颺灑炁雙瞳耀耳氤氲忽吹

一派笙簫杳恩玉宇瓊香罩羃歷金牀寶扇高塵

不到信清虛穹昊咫尺間看群霧來往擁雲璈

前腔未生 丹幢姝女飄絳節芝童導驀然來殿前

香案清曹琅書寶字祥光遶玉版慄維秘檢殘誰

能道信清都玄奧天榜中間班行何處列吾曹並

下

第四十三齣旦上

挂真兒 寂寂雲堂今幾載跌坐裡金磬飄來貼小

旦 瓶水初澄爐香正裊合 簷角風篁清籟重叠令

旦 地無人跡精藍靜頻伽鳥下花枝定貼小旦

旦 旭日散松陰涼颺浣竹林旦 函經金字好寶軸

霞光遶貼小旦 誰為演三車身堪與散花旦倩

香凌波我和你三人在此菴中焚修不覺三載

禮佛持齋且喜禪心稍寂緝經閱藏爭奈妙理

未詮此間絕無來往便有高僧講師不敢延見

我和你們且精修戒律以俟機緣貼小旦 太夫

人所見極是靈照上 難難難十石油麻樹上攤

易易易百草邊頭祖師意也不難也不易飢來  
喫飯困來睡貧道襄陽龐公之女靈照是也從  
吾父學禪同證道果蓮花上品已見如來貝葉  
真詮頗通了義在西方淨土中照見太原本清  
泰之妻衛氏及其二姬禮佛一菴叅禪三載奉  
齋持戒雖能收攝身心屏迹孤棲無從叅請佛  
法我嘉其有志扮作雲水尼僧特來相訪稍稍  
開示他法門大畧開門開門旦何人叩門凌波  
去一看相見科照貧道雲水尼僧求見太夫人

小旦稟太夫人門外有一雲水尼僧求見太夫  
人旦適言佛法無處叅求既是尼僧不妨相見  
或者他知道些法門請見科照太夫人稽首旦  
師父稽首貼小旦相見科旦師父雲水浮踪遠  
蒙垂顧必有見教弟子請問佛法照貧道頗知  
佛法一二但不知太夫人尊意要從何處說起  
旦請問何為十法界照十法界者佛菩薩緣覺  
聲聞天人阿修羅餓鬼地獄畜生上四界乘有  
大小總入聖位名為四聖下六界趣有苦樂不

離凡情名爲六凡衆生只一心分爲十法界一  
心若自了十界一齊忘佛界亦不立九界又何  
有且講得好多謝師父再問何爲十善十惡照  
十惡者貪嗔癡殺盜淫妄言綺語兩舌惡口戒  
去十惡便是十善十善還有止作二義既止其  
惡還行其善如止貪行布施止殺行放生之類  
上善生天中善生人十惡三途極惡地獄且何  
爲止觀照止者外除雜念觀者內照靈心心要  
靈悟須止非心止若不成須用覺照止而不觀

恐有昏憤觀而不止恐致紛飛且何爲定慧照  
定從戒得外邪不染內境自寧慧從定生定水  
不波心珠自現用止觀工夫纔到定慧境界所  
以道止觀是因定慧是果且請問如何便罷了  
心照了心之法不是無心不是有心寂寂不動  
何得言有惺惺常照何得云無有無雙真心又  
何了且同貼小且拜謝科多謝師父指教使弟  
子輩心地豁然且請留師父清齋照貧道不用  
齋的就此告别偶爾來闍浮頃刻還淨土生則

決定生去則實不去

下衆驚介

呀忽然就不見

了這師父原來不是凡人聖賢可憐我們在此

清苦下來指教我們不免望空拜謝

同拜科

一江風

旦

奉香齋還受優婆戒淡飯黃菘菜感如

來特降雲駟遠自清涼界妙義寶蓮開天花落講  
臺剖真詮頓使生深解

前腔

貼小旦

掩蒿萊靜室聞清明雲外飄幢蓋是

如來現比丘尼說法垂玄誨不用拂塵埃菩提種  
自栽駕慈航一路超香海

不是路

生上

徑滿蒼苔盡日無人戶不開舊形骸

別來面目使人猜暢奇哉前度劉郎此日回羨他  
清淨女裙釵持齋戒只愁相見淚盈腮情緣猶在

蕭索秋江木葉乾鐵鞋踏破褐衣單前村依舊  
無梅信贏得孤身徹骨寒自家木清泰雲遊三  
年回家一看此處就是蓮花菴了開門開門  
旦  
門外又有人叩門快去一看 貼開門驚科 太夫

人老爺回來了

旦

有這等事快請進來

旦

貼小

旦相見各悲喜科

旦

別來三載雲水飄零無時

不念且喜回來生夫人聽稟不才因一時爲風  
狂僧道所誤草草出門萬里山川孤身流落高  
人不遇大道無成受盡飢寒一身襤褸只得歸  
來

好姐姐雲水無端三載走天涯踏破芒鞋海中何  
處有蓬萊無聊賴西方佛國今安在只落得形容  
瘦似柴

醉扶歸旦自君行不復勻眉黛兩裙釵也自拋羅  
帶瑣窗裡璧月掩房櫳佛龕前金磬和清籟仙踪

今日喜歸來朱門依舊生光彩

油葫蘆

貼小旦

人歸日門庭未改徑荒涼菊松猶

在遼陽何必經千載好相守佛日香臺

生夫人我

想出家艱苦仙佛渺茫黑髮未衰朱門無恙不  
如依舊享爵土之封諧夫婦之好無空流落他  
鄉身死草野旦正色白相公差矣相公英雄本

色可無出世修行既已修行豈可半途退轉不  
惟仙佛之大道無成抑且一生之人品亦壞進  
退何憑萬口之嘲怎免戒行毀破三塗之業難

逃况孩兒已受侯封甫勤王事朝廷賜號圓照  
欽挹高風一旦墮落將若之何賤妾旣別相公  
業託身于三寶二姬亦守苦志共焚修於六時  
不惟相公當愛蕉沫之體妾亦豈肯再污蓮花  
之身君是賢豪豈不亮此

解三醒美津津雲生金界白泠泠月浸瑤階飄然  
一往青天外怎生般墮落塵埃你香消麝蔔真堪  
誠我泥污蓮花事可哀君須愛君須愛怕難逃五  
濁自取三災

前腔

生

我只道樂邦可待又誰知苦事難涯窮途

受盡淒涼態不由人意冷心灰莫思量銀海三千  
界且受用金尊十二釵重相會重相會恁關情慘  
澹顧影徘徊夫人適纔言語甚是有理但我雲遊  
無遇以窮來歸夫人安得無伉儷之情難道復  
教我逐飄零之迹旦相公回來妾不勝歡喜何  
謂無情但當念彼無常破戒可懼又當裁以大  
義物論須防今日勸相公勿復雲遊在家修道  
相公請別開靜室賤妾則仍守此菴一宅分居

各修淨業庶幾可耳貼小旦老爺夫人之言甚是相公只宜如此

**前腔**既然是萍踪無賴又何苦浪蕩天涯傍家好  
把茆菴蓋一樣的清梵香齋辦翹勤各向三尊拜  
儻異日同登九品臺真無賽真無賽鎮雙修雙證  
永脫輪迴生罷罷夫人既不相容我亦何顏戀此  
依然浪遊去也妻孥不相容依舊尋雲水成道  
他鄉仙不成他鄉鬼下旦貼小旦悲科旦相公  
相公非我無情直以大義有所不可耳三年遠

別一旦歸來既無好眼看他又以峻辭唐突相  
公匆匆忿氣而去相見之間勉爲正色出門之  
後能不傷心貼小旦老爺之行又不知何往多  
是不好消息了

**一江風**

旦悲科

趁芒鞋三載天涯外斷影分恩愛

蹙歸來正喜相逢驀地將他怪伉儷忍輕開徘徊  
轉自猜怕人言又怕犯了如來戒

**前腔**

貼小旦

歎歸來履破衣衫敗落得形骸在好

淹留火宅蓮花消取相思債踪跡又天涯淒涼事

怎捱料今生無復重相會

旦

郭賈二姬相公怪我

不把好言相留匆匆懷恨去了如何是好你二

人快去對孩兒說備些路費衣裝急追往前路

送與他也是你我一點情分

小旦

理會得

旦憔悴歸來道未成

貼

飄然又去逐浮萍

旦高僧說法無憑準

合

閣下曇花也不靈

生又上科

自家不是木西來乃木府土地是也

奉菩薩龐靈照法旨着我化形假作西來回到

蓮花菴中試取木夫人及二姬修行道念如何

誰想那夫人冰清玉潔義正辭嚴真是成道之

器不免回覆菩薩去也

下

### 第四十四齣

外扮顏真卿  
小生扮李太白

末扮李長源

外金冠錦袍隨將吏上

丹心直與山河壯赤手

能扶社稷傾曾餌神丹陶八八天教尸解證仙

卿自家魯公顏真卿是也秉節立朝抗忠勲于

國難清心好道授神丹於異人晚景以直道忤

盧杞為其所陷遣使李希烈矢志不屈畢命賊

庭上帝優叙死事之忠遂證神仙之位丞相盧

杞懷奸罔上蠹國害賢以致德宗駕再蒙塵祚  
幾傾覆奸險無極罪惡貫盈南天王採訪使者  
親考過惡回奏天王近勅下官同蓬萊仙卿李  
長源李太白會勘其罪二位仙長來也未上九  
仙骨就差堪快一品衣披未足云曾以抱懷蒙  
帝寵卻因枕股動天文自家宰相鄴侯李泌是  
也天樂來迎奈家人之搗蒜相臣學道煩天子  
之燒梨暫衣紫而定國難勳紀旂常終脫屣以  
歸衡山名書丹籍上帝命下官與顏魯公同勘

盧杞不免去走一遭

小生上

百篇草就人猶醉

八極神遊去不還帝命蓬萊署仙伯欲留綵筆  
照人間自家翰林供奉李白是也憑陵才氣蒙  
賀老之吹噓瀟灑丰神遇子徵之賞識捧硯調  
羹發麗藻於沉香亭北騎鯨捉月送英靈于采  
石江邊上帝命下官與顏魯公同勘盧杞不免  
去走一遭

相見科外

二位仙卿作揖

未小生

顏

仙長拜揖

外

長源一代異人標神奇於童叟兩

朝輔相樹勛烈於艱危太白天才超邁詞藻冠

於寰中道韻蕭疎冲情寄于物表並登仙籍同  
住蓬萊可敬可敬末小生魯公抗節晚景洵青  
萍百鍊之剛慕道髫年授絳雪九還之術宜躋  
上秩願拜下風外三公過獎愧不敢當請問太  
白有近作見教一篇小生下官近稍習靜以詩  
爲戒篇章寂寥頃謁東華大帝君適值大帝新  
宮成命白賦一詩應制口占請爲二公誦之東  
華結真炁塊北浮無央玄精蕩析木青旭麗樽  
桑帝宮倚太霄璽龍合旁唐大材儼鵬運崇構

颯龍驤峭舊聳雲棟天矯飛虹梁未經丹堊手  
忽閃金碧光三山倏遠近五緯逼低昂洪濤春  
自如元氣翕以張神澹豁敞宇矚瞬搖精芒霞  
褰翡翠幄日照珊瑚牀真官紛來落瑀城文履  
踰瓊管叫紫烟瑤姬列房別有小西室靈臺  
秘檢藏洞章玃玉版琅書皮金廂帝暇跌九鳳  
香華散廣堂斯堂灰不劫滄海塵或揚外大是  
妙什非此詩不稱此宮末太白詩故飄灑今更  
沉鬱當是道進耶小生二公勿笑外下官與二

公奉上帝勅旨會勘盧杞不免帶此囚過來將  
吏稟三位大仙盧杞帶到外盧杞你立心不端  
懷奸事主我慮你始而食人終當爲人所食外  
禍四海內亦不保其九族我每事奉勸固也愛  
君亦是愛你尊公死難時我親舐其頸血此是  
實情你說我故造此語我顏真卿好男子豈肯  
造此等大妄語不相體亮反行仇恨陷我于死  
我死何足惜哉此不過一人私仇只是你作相  
奸險罪過多端這是怎麼說淨罪人性旣稟於

奸回後又迷于大利悔之無及末盧杞你的罪  
過擢髮難數只是那李懷光千里勤王破賊靖  
難卻以私恨力阻他不得朝見天子遂致勳臣  
轉爲叛賊國復多難駕再蒙塵只這一場公案  
怎麼了得外南天王採訪使者報你幽室密計  
謀害文武官員大小三百餘人計雖不曾盡行  
你心也太狠了小生莊子云兵莫慘于忍鑊錐  
爲下杞之此舉三百人雖不盡死殺機已發罪  
業遂成末笑科這說得是太白不獨長於詩篇

且又精于律法外你造謀時說道天道難明鬼神誰見誰知天王使者此時正在旁看你會勘已明將罪人押赴大獄具文回奏天曹將吏諾  
下外二位仙卿在此難得相會我們三人各把自家心事畧說幾句如何末小生如此甚好

惜奴嬌

外

國步艱危歎二十四郡望風皆靡我懷

忠義肯惜一身螳臂相持面折奸雄老陷封疆餘

生猶寄

合

天意幸曾餌異人丹得證上清仙史

前腔

末

童時志在幽棲願餐霞絕粒聞風瑤水相

遭際王室剪焉中否驅馳靈武承祧西蜀迴鑿艱

難誰倚

合

遺世看珪玨似浮雲便脫宰臣衣紫

蛤蜊序

小生

新題宿酒淋漓賦名花傾國禍生妃

子歎朝辭供奉暮投煙水顛顛倉皇走六飛神京

九廟移

合

轉淒遲只得託酒清狂消取壯心塊壘

前腔

外

今日喜脫塵羈共驂鸞跨鶴御風騎烝任

災期劫運幾畚興廢得意縹緲碧霞衣迴翔赤玉

墀

合

莫淒其請看東第侯王轉眼北邙蒿里

錦衣香

末

絳闕隈玄都裏滄海湄清溪泚火棗交

壽花記

下七十九

梨金桃玉李

小生

群仙來性疾如飛纔朝阿母又

會安妃

合

想長安世事政如碁是非鋒起不到清

虛地雲階月卮逍遙自領無邊况味

漿水令

衆

奉天符勘明奸杞共回朝奏申公事瑤

空日晚月痕微簫聲嫋嫋旛影垂垂詩如織才何

綺明朝應制還嘉麗龍墀下龍墀下千官舊侶鸞

牋掃鸞牋掃百幅新詞

尾聲賢良並列仙班貴香案前頭侍起不負精忠

報主時

並下

### 第四十五齣

鬼卒押淨枷杻上

淨

虎狼生性應難改富貴迷人不自由墮馬前

頭還墮馬沉舟側畔又沉舟自家盧杞生前儘

着力量無惡不為今日受此苦楚地獄之中那

一樣刑罰不受過也虧我受也虧我受我盧杞

還是個好漢受得鬼卒打一下不怕你不受淨

我好漢受刑不向你小人告免卒痛打科淨哭

乞哀科卒盧杞方纔說好漢受刑怎麼又做這

個模樣淨哭獄卒哥我盧杞皮肉也是娘生父

養的怎麼不痛苦想着我做唐朝大丞相時節  
皇帝在我手掌心裏翻身文武百官在我嘴唇  
皮兒上過活但眉峰兒蹙一蹙直令千里流血  
筆尖兒搖一搖教他九族遭殃喝水成冰排山  
倒海誰想有今日哩這會兒獄中畧得蘇息不  
免自嘆一番

耍孩兒搥胸跌脚恓惶淚到今日懊悔何追追思  
當日秉權時片言不合千條計一計纔成九族危  
曉夜裏無休息直弄得箇三光晦蝕萬乘流離若

論我當時的榮華富貴阿可也不輕

五煞宴華堂睡得遲臥紅妝門未啓千官伺候如  
流水人人着眼看顏色箇箇挨親討面皮到今日  
成何濟只落得形骸枯瘦骨肉離披我盧杞用盡  
機關苦掙富貴也無非爲妻妾兒孫到今日妻  
妾雖亡兒孫尚在他們還是承籍我享用我紅  
燭兒點起花筐鼓兒打起直恁的歡樂怎知我  
在地獄中受這般苦楚佛也不替我念一聲便  
是春秋二祭擺着幾碗菜斟着幾鍾酒我這魂

靈兒欲待要一救飢腸爭奈我罪業深重一霎  
時都化了火焰把我燒得七零八落頃刻成灰  
奉勸世人爲那妻妾兒孫也全無用處

**四煞**鬧攘攘爲甚的急煎煎子與妻思量衣食能  
消幾我千般黑業皆因你今日裡萬苦黃泉你怎  
知永劫沉阿鼻祭都無益哭也何爲當初謀害顏  
真卿等文武官員三百餘人時我在密室中說  
天道難明鬼神誰見不想這一會兒天王使者  
正在旁邊覷着聽着咳人在世時絕不知有此

地獄有此果報及至到這地位了又寄不得个  
信兒與世間人好苦好苦

**三煞**只道是皇天瞑瞑的又誰知神明密密窺纖  
毫善惡難逃避真官考較能詳細獄卒行凶苦禁

持

李怒科

盧杞你造極惡倒說我獄卒行凶

淨縱

有信也難稍寄儻得箇翻身掙脫只恐怕依舊還  
迷閻羅天子說道衆生受了地獄極苦日久之後  
得个轉身臨行拳拳囑付切切提撕教此去要  
學好爲人誰想纔喫孟婆湯又入迷魂陣被十

個月血水浸得人一靈兒昏了甫掙出去依舊  
作惡咳可憐可憐所以王莽之後又有曹操司  
馬懿之後又有桓溫李林甫之後又有我盧杞  
我盧杞做秀才時也曾罵過李林甫來不知怎  
的輪得到我卻又迷了糞蛆嗜糞火蛾赴火直  
是身不由己只怕從此以後罵我盧杞的不少  
做我盧杞的還多

**二煞**地獄苦難自支史書罵沒了期誰知依舊多  
盧杞那顏真卿二李爲人正直善良卻做了大仙

逍遙快樂昨日座上坐起將我奚落禁持嚇得我  
一言無對備爲座上客布爲帳下虜好氣好氣原  
來爲善終昇濟到底行凶必受虧追悔也今何及  
只落得一身狼狽兩淚波漸

**煞尾**世人還未明如今我已知若要世人似我能  
追悔除非是一旦無常到這裡

內叫科 查獄判官  
老爺來了 盧與卒驚下

第四十六齣

小外扮李晟 淨扮涼休

丑扮姚令言

菊花新

小外戎裝領將士上

逆奴犯闕播鑿與鳳

子龍孫泣路衢強寇滿皇都只把丹心報主故宫  
禾黍欲離離政是忠臣畢命時誓掃妖氛清帝  
闕營門洒泣對王師下官神策河北行營節度  
使兼平章李晟是也百戰威名久聞夷夏一腔  
忠義仰貫蒼穹茲者姚令言激衆興兵鷗張京  
邑朱泚乘機竊命虎據長安百官染汚于賊庭  
萬乘流離于草莽下官聞變投袂泣血禡牙兵  
出飛狐聲先秣馬孤軍深入二寇正強下官用  
奇謀間賊營以忠義激將士衆雖單弱銳氣不

衰故定興王木清泰之子木龍駒將門英傑年  
少知兵下官特奏舉爲副帥協同討賊擇今日  
起兵收復長安左右待定興侯到帥府通報

**前腔**

小生上

君恩世受誓捐軀報國縱橫見丈夫

一旅願前驅逆賊誰當旗鼓

左右報到科

定興侯

老爺到

相見科小外

副元帥將門出將腰間久

佩龍泉官上加官肘後定懸鵠印副帥好當前  
隊老夫願步後塵 小生 元帥親帥六師運奇謀  
而制勝小將願當一隊擐甲胄而先登張英風

于虎牙附功名于驥尾小外將校過來木將軍

領步騎先登我統大軍齊發設伏張奇四路俱

進雲梯地窖百道攻城俱要死戰立功以一當

百先斬令言後擒朱泚掃清宮禁奉迎銮輿退

縮不進者斬衆諾起兵科

紅繡鞋小外雄兵十萬長驅長驅先登列戟橫

橫及摧勁敵擣孤虛殲鬼蜮剪妖狐合寧士庶靖

皇都

前腔小生前鋒手執鼙弧鼙弧中軍親自援枹援

枹山嶽震海濤呼張義旅奮天誅合前探子稟上

二位老爺姚令言督兵拒戰小外向前打話

前腔丑領兵上雄威席卷東都東都貔貅控帶羗

胡羗胡天子遁百官遁誰復敢抗戎車合前小外

姚令言這厮身為節鎮手統強兵不思盡忠報

國卻乃首倡逆謀震驚至尊暴犯陵寢三軍切

齒萬姓寒心衆軍努力向前先斬逆賊小生與

丑戰斬丑賊軍敗

縷縷金衆騰殺氣展雄圖前軍殲賊將覆車徒乘

勝擒元惡功成一鼓看都民垂泣漢宮儀壺漿滿  
岐路探子稟上二位老爺朱泚遣源休督大兵前  
來拒戰

前腔

淨領兵上

扶帝業創皇都山河歸指掌盡誅

鋤誰復張螳臂敢當羆虎管教一戰血模糊橫屍

暴霜露

小外源休這厮官爲少卿職列清要享朝

廷之大祿受主上之弘恩何故背國忘君造謀  
佐逆寢祖宗之神器致主上于蒙塵天兵問罪  
汝逆賊難逃大小三軍一齊乘勝小外與淨戰

斬淨淨兵齊哭投降科

稟上元帥老爺小人等

皆是節鎮官兵羽林衛士被朱泚迫脅與師情

願投降再見天日小外你衆人不知逆順本當

重處姑念脅從許爾自新衆將士們將斬軍降

賊膽已破誰爲城守就此整旅入城生擒朱泚

探子上稟上老爺逆賊朱泚帶妻子出都城北

門逃走了小外副元帥可領鐵騎三千追擒朱

泚老夫入城掃清宮掖奉迎聖駕還朝小生諾

下

縷縷金

衆

開北戶走狂奴乘風追鐵騎盡芟除號

令須嚴肅京城按堵急掃清宮禁奉鑾輿宮幃喜

如故

小外

請掌書記于公異

于上

上將兵如風雨

參軍筆掃虹霓不習長鎗大劍有時用着毛錐

相見長揖科且喜逆賊已平公可草露布一通

飛報天子借爾雕龍之手且須倚馬之才

于諾

小外分付將士火速整衆入城則个

衆諾

小外蕩寇已展雲旗

于搦管先成露布

小外報道鐘簷不移

衆更言廟貌如故

第四十七齣

小生扮健兒上

非正宮端正好鼓聲高兵氣壯驅鐵騎追捕逃亡

妖星夜隕營門帳一派銅焦響下官奉元帥將令

領三千鐵騎追擒朱泚泚賊屯營龍首山下地

形險阻猝難攻打今夜天氣寒肅霜月微明扮

做健兒私向朱泚營壘觀看地形明日進兵攻

圍一鼓擒之行到此處只見邊風颯颯野草茫

茫萬竈偃旗數聲殘角好悽慘光景也呀遠遠

望見一人在烟月微茫中行來了不免閃身樹

林看是何人至此 鬼上 陰房鬼火青壞道哀湍  
寫野曠寂無人獨嘯霜月下小鬼乃臨洮人氏  
身克禁軍被叛賊朱泚駟脅從亂與李節度對  
壘戰敗被殺前後二陣死者三十萬人血濺黃  
沙身膏白草天青月慘鬼哭神號向年安祿山  
之亂吾父死于亂軍今我又喪身鋒鏑君王無  
道萬姓當災數也命也窈窈冥冥一靈不昧思  
鄉念故好生悽楚趁此月夜嗟嘆一番有何不  
可

**滾綉毬** 三靈降禍殃萬姓當災障健兒們都送在  
邊疆上天遣惡魔王煽動刀鎗東平難釀宮闈太  
尉禍起蕭牆蹂踐得神京板蕩兩番兒捲旌旗血  
戰沙場無端壯士刀頭喪多少英雄劍下亡說起  
悲傷

**叨叨令** 壞神器無道的莽君王亂朝綱誤國的權  
奸相將祖宗的社稷輕搖宕致使小么麼僥倖圖  
非望兀的不恨煞人也麼歌兀的不苦煞人也麼  
歌害得俺裹創飲血皆淪喪

倘秀才新鬼呵覓頭顱哭夜霜舊鬼呵傍陰厓啼  
宿莽盼家鄉何人酹酒漿暴屍骸有誰爲埋土壤  
委實恓惶

滾綉毬隴西宿將強河北軍容壯殺得那朱泚軍  
投戈弃仗百忙裏擁妃嬪奔走倉皇旌旗曉色昏  
橈槍夜無光似龍虎追來飛將明日裏軍敗身亡  
只可憐宮闈粉黛捐荒野文武衣冠委道旁暮雨

斜陽

白鶴子俺只見漠漠寒煙迷紫塞又只見獵獵陰

風吼白楊收不迭萬衆冤魂磨不盡千秋靈爽

煞尾山圍古戰場月黑元戎帳連營的空倚着龍  
首爲屏障木將軍策一道流星鐵鞭兒響

下神紅

袍擁衆上

分付神吏吾奉九幽大帝命點收陣

亡將士姓名送入陰府須逐一查點明白登記  
簿籍明日朱泚敗死還有許多陣亡將士須另  
行點收呀此處那得有生人氣手下替我查來  
小生仗劍喝科吾乃征勦逆賊副元帥木龍駒  
是也何物小鬼敢來查問

神吏衆驚下小生呀

鬼神之事原來不可不信霜月之下一鬼獨嘆  
言語朗朗可聽神明擁衆來此曠野點查陣亡  
將士被我仗劍一喝卽時星散鬼與神通都說  
朱泚明日敗亡我也不必再看地形明日進兵  
擒泚必矣

野曠天高霜滿空 夜深鬼語月明中  
來朝一鼓擒逃虜 麟閣標名第一功

第四十八齣

生上

紫蘇丸 三山半落青天外挾仙遊乘風差快月明

人語在瑤臺真是清涼界 小重山 一緬芒鞋到處

行天風生兩腋上瑤京玉童花下奏鸞笙風物

好徙倚盼層城凡骨鍊難成願教食絳雪吸金

莖丹臺石室早藏名東華闕誰遣鶴書迎清泰

蒙二位師真相挈來遊蓬萊山玄卿師父教我

且在洞府門外伺候他與西方祖師先進去會

列仙良久不見出來想是列仙留住祖師求他

講了佛法我伺候許久腹中飢餒你看絳桃文

杏仙果纍纍清泰是个謹慎人雖忍飢不敢偷

取一枚遠遠望見一位仙女來也仙女上仙班  
充下陳靈境間且適時約女郎嬉清溪弄白石  
此處焉得有這個俗人三尸濁亂腥穢觸人分  
明是一堆白骨何由得到此清都地界守壇神  
將在那里何不令蒼虎驅出蒼虎撲生科生我  
木清泰來此豈是孟浪亦有因緣西方祖師賓  
頭盧蓬萊仙伯山玄卿挈我至此仙女胡說祖  
師是西方聖人玄卿是清都仙長豈肯挈你這  
个穢物二師現在清冷臺上與衆仙講道既然

挈你來何故不令進入洞府卻逗遛此間叫金  
瓜將士打落山去金瓜將士欲打科外末同上

科外休打休打金瓜將士你不認得此人此人  
是唐朝定興王木清泰勇冠千古力敵萬夫你  
怎麼出得他手他只爲至心求道不露雄風你  
休錯了仙女神將並下末西來候久腹餒待我  
取絳桃一枚與你末取桃與生噉科生絳桃入

口腹中不飢神氣更爽外貧道有西方黑棗食  
之可以永辟飢腸兼知過去未來事一向不曾

與你一枚今以相贈取黑棗與生嗽科生黑棗

入口心地更清果知過去未來事原來弟子前

身是西方散聖焦鏡圓數十年來一場夢也多

謝二師濟度未師父與西來既到此間遊覽一

遍如何外如此卻好生師父你看萬山黛色青

削芙蓉一水澄泓碧涵明鏡金堂玉室盡嵌峰

巒瓊瓏耀日翠榭紅亭半出晴昊縹緲飛霞奇

花瑤草夾道叢生蒼兕班麟當門偃臥紫府中

起白波外抱遠睇神州茫茫黑點仰看星漢澹

澹微痕仙都之境勝妙如此祖師西方比此處  
如何外笑我那西方境還好些生弟子此時也  
省得些了

甘州歌外茫茫銀海走洪波一帶遠抱丹臺金堂

玉室繚繞頰霞蒼靄月痕斜控瓊簾捲水色虛含

綉戶開合行迷處路轉迴中峰忽起更崔嵬長松

下古洞隈爲憐踈影立徘徊

前腔生峰巒碧水洞似新磨明鏡倒窺青黛絳桃

花外靈禽幾箇飛來東華何事鸞驂候南嶽相邀

鶴使催合青童送桐栢陪靈妃仙帔紫烟裁鶯笙  
奏龍籟諧人間弦管不須哀

前腔未清都曾住來歎紅塵一別俄驚千載喜君  
重到瑯窗無恙瑤階新開覺路今纔識舊長靈根  
不用栽合食桃實飲露杯三偷方朔謝仙材金棺  
莖玉柙埋憐他白骨盡寒灰

前腔衆波聲吼似雷想幾番成敗桑田滄海朱顏  
委謝早鏡中素髮毳毼百年陽九難逃算一粒神  
丹可脫胎凌歆地絕點埃清虛東土說蓬萊超生

死免劫災恒沙西去有蓮臺

尾聲俗情消凡容改仙人相挈采真回只怕城郭  
人民安在哉

外海山舊日是君家生一別清都幾歲華

未仙籍長生真可學合樓前近已種曇花

第四十九齣小生戎裝將士隨上

虎體熊腰將相孫金貂家世受君恩亂軍盡入  
含元殿天子宵奔苑井門身督六軍倡銳氣心  
知九廟鑒忠魂天清宮闕迴鑿日父老人人掩

淚痕木龍駒腰有青萍家傳黃石身當國難志  
立功名茲者姚令言倡亂朱泚乘危遂據長安  
篡移鼎祚節度使李晟謂下官人豪將種年少  
知兵上疏特荐朝廷用其言遂拜下官前部先  
鋒將兵討賊再戰再捷遂破長安泚賊走死聖  
駕回京李節度表上功次優序下官想必有爵  
賞今日回軍已到家了不免到菴中相見母親  
則个旦貼小旦上旦夫婿尋真去不還有兒仗  
劍赴行間貼小旦王師徑出蜚狐口戰士齊屯

倒馬關旦何處流雲隨竹杖每因明月想刀環  
貼小旦風塵不到禪棲處門掩琉璃盡日間卒  
叩門報貼太夫人小侯回來了小生進見科旦

孩兒回來了前者有人來菴中報你平服靖亂  
克復神京麟閣之勲踵美汝父可喜可喜小生  
孩兒蒙李公推轂擢甲先登令言喪元朱泚傳  
首聖駕遙復宮禁肅清李公表上功次優序孩  
兒想朝廷必有爵賞只是父親離家十載音信  
杳無教孩兒日夜思念旦孩兒你且寬懷慢慢

打聽便了

黃鶯兒

旦

慷慨擐戎衣奮孤忠國步危幸然一戰

成功易塵清鼓鼙鑿迴帝畿百官依舊朝丹陛凱  
旋歸喧傳里巷不負將門兒

前腔

小生

灑淚赴戎機念宮闈賦黍離枕戈蓐食

無回計臨風禡旗盟天誓師匡扶社稷除腥穢轉  
含悲欲持報父何處訪庭幃

前腔

貼小旦

門戶有光輝羨雲霄接武時虎符金

印應堪繫轅門奪旗名山采芝丹臺雲閣名相似

想天涯遼東跨鶴何日到令威

旦

此日勒旂常

何時訪雲壑

也應此父子

同画麒麟閣

第五十齣

外未生同上

外

踪跡遍天涯臨了歸極樂猢猻入布袋老鼠

進牛角貧僧同二子遊西方看看來到上遊天

堂下觀地府東泛蓬萊西歸淨土並是我與玄

卿以神通攝化彈指便到玄卿西來你兩人遊

過淨土不由人不捨玄關入佛門也你看西方

光景阿

六犯宮詞梁州序峒崑画閣璫瓏繡戶何限金沙  
鋪路交光涉入呆愚帝網明珠桂枝香祇樹千行  
直蓮花九品舒甘州歌踈枝亞碧藥敷莊嚴真不  
數天都傍妝臺堪羨八功德水涵金鏡又有七寶  
池波湛玉壺皂羅袍巍巍宰堵神飈自扶香臺處  
處紅雲護黃鶯兒嵌珊瑚碑磔瑪瑙光射月輪孤  
看風景大約如此我再說西方三聖與你聽者  
前腔梁州序瓊林花遶香渠流注三聖常居淨土

金身丈六無非本性毗盧桂枝香螺髻垂瓔珞雲  
衣映綺疏甘州歌霞幢覆寶座趺靈光隨處現真  
如傍粧臺你聽潮音鐘磬聲能發佛號頻伽鳥自  
呼皂羅袍金鏡妙義琅函梵書玄津寶筏人皆度  
黃鶯兒地清虛三災五濁全不到精廬東方亦有  
妙喜國阿閼毗佛何故勸學人只生西方待我  
再說一遍

玉山頽修行徑路論娑婆煩惱滿衢羨西方明鏡  
離塵怕東土青蓮染污聖師高座指前途化城寶

所一往無迴步莫躊躇恒沙西去樂何如禪與淨  
土雖分兩途其實修禪須兼淨土待我將修西  
方法門再講一遍

前腔禪兼淨土兩修持應無錯途論生時非佛非  
凡究真詮卽心卽土資糧儻具一彈指花開立悟  
萬劫消諸苦莫趑趄幡幢天樂只須臾未生蒙大  
師指教西方極樂多謝但不知何以修持便得  
往生外往生徑路只在一心既要守如來之戒  
亦須知觀想之方以十六觀爲用工以三觀爲

妙法十六觀者想西方樂景共有一十六種三  
觀者空假中運入十六觀圓融心景妙達性空  
使心機純熟常來往于西方諸佛如來入衆生  
之心想必定往生永無退轉矣未生拜謝多謝

大師指教未弟子從此亦當捨離仙道回向西  
方外善哉善哉塵世凡夫未免惡業宿障旣重  
往生尚難仙子德行清虛道心靈悟往生淨土  
如菜作羹往只剎那生必上品可喜可喜

外我贊西方真樂土未無有惡業無衆苦

生  
花開見佛悟無生

合  
不退菩薩爲伴侶

第五十一齣

小外扮木髡皓髯拄杖上

十二時豪傑天生就爲求道把情分愛割一撇家  
鄉煙波雲岫遠覓拚衰朽盼邊州兩脚龍鍾難走  
丈夫胸懷難捉摸木落山空水痕涸風吹日晒  
箬笠穿雪凍霜寒草鞋着豪華鼎沸王侯家一  
朝弃之如朽索不知何日能驂鸞贏得門前可  
羅雀自家定興王木老爺府中一個老蒼頭木  
髡是也跟隨老爺出征親斬首級積有功勞蒙

老爺擡舉官至羽林將軍年已七十告老在家  
自從俺老爺雲遊訪道夫人公子朝夕在家憂  
念杳無下落公子曾出門尋訪走遍四海歷盡  
苦辛不曾得一面我老奴受恩主大恩原是帳  
下敢死之士今雖年老那怕路途艱苦也索尋  
訪一回縱不得相遇也盡我一點報主之情前  
日稟過夫人公子出門行了半月來到此處是  
榆關地方你看塞雲邊草一望荒涼那里覓老  
爺踪跡呀遠遠望見三個佛道來了或者天可

伶念就是我老爺也不見得不免閃在草林之中待他來近外未生上外九地攢眉入三天掉臂行洪爐百鍊過寶劍鑄將成西來曇花會近梅信須通我已託靈照菩薩將你我遊踪盡報你家知道如今你家老蒼頭遠來尋訪不妨見他一面生師父不見爲是外不妨相見三人行小外撞出抱住生痛哭科小外自從老爺出門杳無信息家中夫人公子無日不憂念老爺何自苦如此生木韜你年紀老大何苦遠來小外

老奴婢受老爺撫養之恩老爺辛苦長途老奴何忍在家安坐但得一面死亦甘心老爺離家十年矣如今即便同老奴回去一看以慰夫人公子懸望生我未回你先去罷小外老爺鐵石心腸此番若再不回家老奴立死在路旁決不先回二位師父你多方掇賺我家老爺出門果有道術相隨十年也應度得他身生羽翼了害得一家伶俜于心何忍如今也該勸我家老爺一回外未笑科小外夫人傷感老爺長別也築

了一室名蓮花菴禮佛修行郭賈二姬也不肯  
出嫁同夫人只在菴中

二郎神離家久歎夫人將空房獨守公子蒙朝廷  
襲封爲定興侯賜老爺道號圓照大師公子傷老  
爺不回上本固辭官爵聖旨再三慰諭不准辭公  
子辭官把丹闕叩朝廷下溫旨強教拜將封侯朱  
泚叛逆西平王李老爺舉荐公子文武全才同去  
討賊立功喜平大亂勲名與老爺一般一舉成功  
平巨寇卻等閑取着金印如斗只爲父雲遊對官

僚時時雙淚交流老爺別後不知踪跡何處衣食  
何來老奴想起好苦

哭科

前腔還憂你身衣口食窮途那有想只是托鉢生  
涯權搭救你少甚金寶和那百味珍羞何自苦凍  
雨淒風枉生受又不見西方活佛佑恨悠悠這兩  
箇平空掇賺何繇料夫人終歲在菴中也只是出  
于無奈

轉林鶯他經年只將佛事究家中萬樣俱丟天涯  
盼斷無回首也只得借經典解離愁老爺也只虧

這二位小娘子呵他何嘗窺牖菴堂只管焚香操  
帚伴清幽和夫人晨夕一樣學薰修

小外跪扯生

衣哭  
老爺回去

前腔芒鞋飄泊十載遊行踪走遍神州儻神仙已  
煉丹砂就好歸問人民城郭何事尚淹留若是未  
得偶算來此事怕荒唐悠謬蚤回頭田園未蕪你  
儘可度春秋

生木韜你老人家何苦如此小外老

老爺何苦如此

啄木鸚老奴苦一時經倥傯想當初沙場歷戰鬪

小可的生死須臾博換得秉笏垂旒如今早做了  
山林叟看破衣百衲多埃垢若知道這般的行藏  
夫人悽楚幾時休

生老兒不必多言快回去小外

老爺

前腔尋難見見怎休忍便與大恩人相分手假饒  
是執性的不歸老奴願死荒丘怎生教我空回首  
你這兩個僧道呵把老爺爲甚明相誘爲甚暗相  
鈎教人罵詬宿世有何讐老爺家中也好修行  
金衣公子大宅與高樓好修行住上頭何須浪蕩

向天涯走如夫人在菴中修行何等不清幽百八  
在手彌陀在口晨昏功課惟經呪勸雙修在家居  
士骨肉免離憂生木韜多多拜上夫人公子這聖  
師分付我回來日子近了你快回去外你到家  
時你家夫人也有信了快回去小外如此卻好  
求老爺數字回去生既回不必作字小外如此  
沒奈何小人只得告回拜辭科

前腔迢迢邊塞遊滿黃雲白草秋偶然道路能相  
邁肝腸似抽悲啼不收幸蒙許約歸期候莫遲留

一家顛望心折大刀頭

小外相逢頃刻又分離

生為報曇花會有期

末外世上情緣難得斷

衆一番離合數行啼

第五十二齣

旦貼小旦上

似娘兒

旦

一夢見神靈夢中言歷歷分明也應心

與如來證待薰香沐體侵晨入靖翹勤拱候雲輶

好怪好怪郭賈二姬你道我為何五鼓起來香

湯沐浴昨夜三更時分夢見本宅土地來對我

說三年前到我菴中說法的不是尼僧乃襄陽

龐公之女靈照菩薩化身雲水尼僧那回來的  
也不是我家老爺乃就是宅中土地奉靈照的  
命扮作老爺模樣來試你我的道心他說靈照  
菩薩今日午時要降臨我菴中與我相見教他  
夢中報我須急沐浴焚香拱候幢幡寶蓋此事  
稀奇須索准備郭賈二姬你們也速去香湯沐  
浴一番我入靜室焚香拂几也 貼小旦諾下旦  
入室焚香拂几科

桂枝香 臺懸蓮鏡香焚寶鼎經攤棊几塵消花挿

軍持水淨我惠歡又驚我心歡又驚夢與神明相  
應說有佛臨凡境辦虔誠可是西歸近親勞幢蓋  
迎

前腔

貼小旦上

家尊嚴命驀然修省玉肌澡豆重

添衣裊薰香又整信夫人念清信夫人念清真箇  
水澄珠映了了分明夢境謝神靈報道如來降相  
將入化城 貼小旦驚科 夫人好怪事靖室西角忽

起一道白光閃閃爍爍必有緣故了 旦 你們覺  
得麼西北角又有異香聞來 小旦 隱隱一派仙

樂來近也 玉女從室西下科 西方靈照菩薩降

臨快迎接 靈照上

神仗兒纔離寶所纔離寶所來遊東土奉西方教

主超度閻浮善女縹緲慈雲廉纖法雨親灌頂洒

醍醐親灌頂洒醍醐 旦貼小旦望西跪迎接科靈

照菩薩侍金童玉女幢蓋從室西下相見科照

德荼與二女子請起相見 旦貼小旦起就上安

座菩薩就座禮佛科旦 弟子色身垢穢根器下

凡何幸蒙大士降臨五體投地不勝悲仰 照善

哉善哉你早弃繁華棲心清淨外緣不擾內境

常寧真靈根法器你還記得三年前雲水尼僧

麼我也 旦 弟子凡人肉眼不識菩薩歿罪歿罪

照 你宿有道緣今生行好蓮臺注籍淨土必生

二子亦得同生品稍中下耳我故來摩頂汝可

皈心起來侍立說話 旦謝起侍立介貼小旦二

人賤品不敢起 照一同起來 貼小旦謝起侍立

照 德荼你良人雲遊幾載可有音信麼 旦悲淚

科 弟子良人雲遊十載杳絕無音存亡不審 照

可憐你這一淚遲你十年淨土汝良人踪跡我  
悉見悉聞往年西郊外來點化的沙門是西天  
賓頭盧祖師道士是蓬萊仙子山玄卿你良人  
辭家出門便遇此二師備嘗艱辛歷試皆過二  
師挈之上遊天堂下遊地府東泛蓬萊西觀佛  
國諸境既歷道念彌堅此時已證道果將返太  
原與你相見他年同往樂邦你須預辦西資努  
力精進閻浮衆生得婦人身者最爲不幸大抵  
宿染慾根牽纏恩愛體多不淨更易妒嗔以故

女人成佛者少你聽我教道你們一番

**粉蝶兒**玉貌蛾眉最苦是玉貌蛾眉沾惹了宿生  
來那粉香油膩愛穿着綉帶羅衣髻盤龍釵舞鳳  
安排得臉紅眉翠喬妝些俊俏丰姿要人說那娘  
行嬌媚

**泣顏回**諸事不須題只在菱花鏡裏新妝時樣便  
待要描寫他的那姬太美尹夫人便雙眼低垂淚  
愛單衫花映青郊弄輕紈月滿秋闈

**上小樓**準備着清臚巧倩使人癡聽得說人隘若

耶溪又道是陽城意惑下蔡魂迷昭陽飛燕后繡  
嶺太真妃只這箇嫋亭亭只這箇嫋亭亭俊麗兒  
中了君王意冷清清六宮六宮都閉直恁妒心多  
直恁妒心多全不管人顛顛又誰知光景不多時  
泣顏回芙蓉爲面柳爲眉早紅輪滾滾青鏡絲絲  
暗消風韻減香肌鶴髮雞皮幾人老醜又有那絲  
雲易散琉璃脆被人罵香粉枯骸端的是朱顏易  
委

黃龍滾犯苦懣懣早怕蒙頭苦懣懣早怕蒙頭慘

悽悽紅羅覆體野茫茫黃土烟沉野茫茫黃土烟  
沉冷蕭蕭白楊風起那時節誰念當初是美姿你  
可不信問路傍兒狐兔走蘇小墳穿狐兔走蘇小  
墳穿鼯鼠穴真娘墓毀

撲燈蛾犯總不如洗乾紅粉妝離香闌腳踏清涼  
地修夜課佛火映琉璃誦晨經磬鐘兒聲細禮如  
來玉毫光裏照禪心皓月臨清池擘藕絲剗情破  
愛方顯得蓮花此日出污泥

小樓犯消災障木樵子灑淨水楊柳枝只一味身

坐團瓢只一味身坐團瓢心想西方口念阿彌再  
休題人在房櫳再休題人在房櫳裙染胭脂香薰  
羅綺這些時纔有箇往生的消息

**疊字兒**妙妙西方景美細細金沙鋪地層層的七  
寶欄密密的雙行樹閃閃巍巍樓臺見空際隱隱  
見綉葢華旗隱隱見綉葢華旗裊裊聽仙樂參差  
晃晃莊嚴花冠瓔珞明明現如來大士擁伽黎  
**尾聲**愛河慾海深無底一換容顏知是誰我返西  
方專待你 下旦貼小旦望西拜送科旦好也大士

良言千萬年做女人的寶訓我和你兩人朝夕  
書紳今日既得見佛又得了老爺消息可喜可  
喜你們快去報與我孩兒知道者

旦 **丹霞縹緲見金幢** 貼去後猶留滿室香

旦 **口吐醍醐來灌頂** 合爭教心地不清涼

### 第五十三齣

生 祖師辦捺牙跳下獅子座嚼得舌頭酸虛空  
嚼不破外暗上將生肩後打一掌這回嚼破虛  
空了 生 大驚笑呵呵阿也是了是了呸原來只

是這等夜來卻被風吹去只在蘆花淺水邊原  
來只是這等師父你爲何哄我走這許多路外  
你走過的路在那里生又笑多謝師父了外你  
十年來那一日不說多謝師父只不曾有个了  
字生又笑末上夜眠清早起更有不眠人你兩  
个在這里弄快刀子的手段怎麼出的我外知  
道你兩個是獼猴跳出圈兒你只爭先跳出一  
步三人大家笑科丑小丑上丑遊戲失神通如  
今轉老實小丑消丸丸不消卻是消丸日二人

見外科與二師相見科

師父稽首

丑

向日蒙師

父點化遊戲神通走了小丑

丑

向日蒙師父點化

莫說鐵丸蠟丸兒也消不得了外

外

好好霜降水

涸木落歸根

丑小丑

我兩弟子求師父改个名

字

外

遊戲神改名三昧道人綽消丸改名廣長

道人你兩個來得好木西來道成數應歸故鄉

相會曇花就差你兩人到他家去報信

二人

諾

領法旨並下生

弟子也要師父改个名字

外

自

無始以來那個是你的名字人有个真名都是

假赤灑灑原是本來圓陀陀豈有名字今生做  
木清泰就認做清泰是我清泰以前不知經了  
多少清泰定興而後還存多少定興只是一個  
清泰經歷了千百億個清泰千百億個定興只  
是一個定興可憐改頭換面前後各不相知及  
至相知原來只是一個當其不了千百億無有  
窮時及至了時一個也不可得譬如舟在大海  
不知經了多少風浪及至到岸風浪一時都息  
又如人在長途不知經了多少郵傳及至到家

郵傳一個也無我當初曾問木公清泰以前是  
誰公答應不知既只是你何故不知既云不知  
何只是你知者名悟不知者名迷誰令公迷只  
是迷其所悟誰令公悟只是悟卻所述此處應  
須尋究去不知知者現在未笑老和尚葛藤  
了也外笑間說假饒透脫時八十一卷華嚴只  
是一句假饒不透脫時單提半偈纏不了的葛  
藤貧僧要從葛藤裏打筋斗出來哩生只許州  
官放火不許百姓點燈外他也莫點燈我也莫

放火誰想林檎花結个頻婆果

泣顏回

生

拍手笑嘻嘻卻原來只恁般的珠藏衣

裏怎教咱踏遍天涯都無甚奇把虛空嚼破全沒味又何須向外馳求得將來只自家的

前腔

外

休將黃葉止他啼真金到手暴富窮兒波

消爲水這纔是煩惱菩提紅輪乍推照千山六合

開昏翳忽然間打破疑團這番來永脫輪迴

前腔

末

蓬萊回首隔雲泥拋他世寶換得摩尼無

生無滅又何論壽與天齊將蔬作葷轉關兒唾手

真容易再休提鸞鶴東奔且同他龍象西歸

古輪臺

衆

霧消時瑤天如洗映玻璃寶王刹現毫

端裏山河大地湛定水心珠世界法身無際石洞曹溪德山臨濟這棒喝一筆不須提悟時聞喜把文殊獅子輕揮風柯月樹黃花翠竹青山綠水種種露禪機賓頭不語度金針再難拈起

前腔虛脾剗卻天界泥犁還抹撥佛國仙都纔明真諦屢切沉迷今日顯風光本地從此撒手懸崖一絲不繫饒他業火三災土爲灰靈明不毀受風

霜徹骨寒威鐵鞋踏破羅浮一夜梅香撲鼻再拜  
謝明師覺路金繩指大千日月遍浮黎

**餘文**尋消息走路岐比得來工夫不費此是真歇

門中了手時生稟告太師弟子赴曇花之會還當

如何行徑弟子意欲仍只扮做凡夫強光混俗

免駭世人外弟子不然你弃了王爵雲遊訪道

那个不知那个不笑今日成道須當寶珞香衣

金幢繡蓋明白與世人做个榜樣勸化凡情及

早回首豈可暗地朦朧轉生疑謗生謹依大師

嚴命還求二位尊師一同弟子到寒家照臨凡

界勸化世人外末我二人原要同行靈照菩薩

業已奉如來法勅降臨你家我二人禮應在彼

迎候生如此甚好弟子幸遇聖師一門同證只

兒子尚纏婚宦不得超昇如之奈何外你今日

豈尚不知冷郎根器不凡將來亦必入道今日

且立功報主先盡人倫耳生多謝大師指教下

第五十四齣旦上

少年遊風來雲去鳥啼花落妙旨印禪心小生小

貼 沉水香清博山烟裊 貼小旦 慧日照檀林 旦孩

兒媳婦倩香凌波昨日菩薩降臨說老爺消息

甚的今日看閣下曇花爛熳盛開老爺成道無

疑了只不知何年得一相見 小旦笑 還是夫人

高見誰想年前回來的卻不是真老爺彼時夫

人若留了他怎麼好 旦 婢子胡說 三昧廣長上

悉達證如來耶須生切利借問羅睺羅曇花開

也未 相見科 稟上夫人公子圓照大師已成大

道奉菩薩法旨歸看曇花先差貧道二人報知

須整備香花法座迎接幡幢明日辰時大師到

也 並下旦 原來如此可喜可喜靈照菩薩之言

不虛矣孩兒快收拾前堂擺香案伺候 小生理

會得 小外上 踏破鐵鞋無覓處得來全不費工

夫老奴回來了行到榆關偶然得遇老爺修行

無恙報說目下就回來了 旦 生受你這裡也有

信了 小外 元來如此可喜可喜

急板令 念良人長懷道心弃妻子從師遠尋淒涼

到今淒涼到今一逐浮踪十載無音忽報仙姿再

返雲林

合

明日裏幢蓋來臨開法界聽潮音

前腔

小生

訪庭幃山長水深無覓處他鄉淚淋天

憐苦枕天憐苦枕鶴使雲中遠送歸音已頂霞冠

永脫朝簪

合前

前腔

小貼

歎高堂棲遲遠岑盼晨昏憐予藁砧啼

痕滿襟啼痕滿襟書報華陽劍返津鐔無恙家園

松竹陰森

合前

前腔

貼小旦

閉妝臺塵蒙素琴守空房香銷冷衾

白頭罷吟白頭罷吟靈骨初成道行堪欽已證尼

珠誰度金針

合前

前腔

小外

拚殘軀迢迢遠尋幸邊關相逢痛心牽

衣捉襟牽衣捉襟親囑歸來指日園林不道家

已有佳音

合前旦

分付一家人都要香湯沐浴迎

候西方聖人

衆

謹依嚴命

且十載雲遊世念輕

小 暨歸只恐又西行

也知法眷非凡眷

貼 不說離情說道情

第五十五齣

生 緋袍皂冠幢蓋上

滿江紅覺路界金繩仙樂引珠幢寶珞喜水痕霜

降天根本落

外末金爛袈裟上

佛印換他金印貴

雲臺豈似香臺樂

合

歎英雄大夢幾千場今方覺

生 選佛場中及第還時人莫問鉄鞋穿

外末此

歸不比遼陽鶴

生

屈指離家只十年二位大師

已到寒家門首家人想必出來迎候

旦小生小

貼貼小旦並衣冠上

遶地遊

同唱

經函香閣繡戶開金鑰掃華堂盡蹇

瓊箔座設沉檀香焚鷄藿候西方金仙大覺

相見

科旦

弟子拜見二位大師良人累劫修持稍培

種智英雄面目未悟本來蒙大師不恡寶笈使

良人遂度玄津浩劫可灰佛恩難報

拜謝科小

生 弟子拜見二位大師家尊偶來夢境幸遇大

德指迷西返舊鄉實賴明師指路五體投地闔

室知恩

小貼貼小旦拜見科旦與生同拜見旦

相公單身逆旅千重芒屨雲山妾亦獨守禪房

十載琉璃夜火辭家而出門常想牽衣之別道

成而還里何啻畫錦之榮可賀

生

夫人道

心玉瑩將來必證真空闡德冰清且亦有功名

教難得難得小生小貼拜見科大人雲遊遠去

久缺甘旨之歡證道歸來止享伊蒲之供抱愧

無地不孝通天生兒子尋親靖難忠孝兩全媳

婦理家奉姑婦道不缺可喜可喜貼小旦拜見

科老爺遠遊良苦夫人亦厲志薰修菴主朝夕

翹勤二妾亦幸供洒掃一門證道萬古希聞生

本勅汝圖伉儷于青年乃亦能收身心于淨業

良亦可嘉左右上報稟老爺夫人西平王李爺

齋聖旨到小生快排香案迎接西平宣詔科外

木清泰曾爲朝廷大臣今雖成道出世不可失

人臣之禮衆跪介外末下西平宣奉天承運皇

帝詔曰鳩摩辭國大闡玄宗龐蘊修真闔門同

證朕欽挹其人久矣茲爾故太師定興王木清

泰百戰勤王策奇勲于靖亂一朝回首銷壯氣

于枯禪辭榮學道玄風大播八挺見性明心證

品已高四果真寰中希有物外高標其妻衛氏

雅志雙修旣不愧龐家之婦塊形孤處又不忝

侃母之賢女範可師道果應證二妾郭氏賈氏

矢志靡嫁已不忝於良人持戒無虧亦增光於  
法席清泰子定興侯龍駒萬里尋親恭勤子職  
孤軍討賊克紹父勲其妻房氏理家戢衆門戶  
肅雍相夫奉姑婦道無缺清淨咸皈三寶賢孝  
萃于一門朕甚嘉之木公清泰可賜號妙湛至  
德圓照大師如故衛氏賜號妙湛至德圓照夫  
人郭氏賈氏賜紫綃道衣各一襲龍駒討平朱  
泚克復神京樹茲懋勲式光先烈可進爵襲封  
定興王太師中書令其妻房氏封定興王夫人

圓照師仍着有司以禮送入大內朕將一叩其  
玄宗助我弘化師幸惠臨道駕以副朕拳拳欽  
挹至意謝恩

衆謝恩西平與衆相見畢辭回靈

照幡幢上西方彌陀如來有旨敕弟子賓頭盧

新度弟子木清泰忠勇樹勲精堅求道解衣救  
難六度始于檀波歷境遭魔百折不迷本性行  
解相應福慧雙圓衛氏閉戶焚修婦儀旣已清  
肅齋心持戒佛事又自莊嚴郭氏賈氏靖室同  
棲心地能離塵垢戒行無玷靈根漸長道芽山

玄卿夙隸仙籍玄風久超近入禪宗慧心頓朗  
並佛門之上足大道之津梁各證道果永脫輪  
迴其益務弘慈度人精進寶所賓頭盧遍歷諸  
趣拯拔頗多許超上果頓入圓信敕西天護法  
善神香花幢蓋迎歸淨土衛氏以良人之故一  
動悲心愛河未斷着住疑城十年方許西歸故  
敕衆叩頭科南無阿彌陀佛靈照與衆相見外

我們同到曇花閣前一看外原來手插曇花無  
根茂盛奇花燦爛不減西方可喜可喜生弟子

博地凡夫沉迷宦海若非二師點化菩薩鉗錘  
焉能證悟萬劫知恩旦弟子閨中愚質索居無  
聞幸蒙靈照大師指導得有今日衆同拜謝三  
師科

山花子

生

當初撒手辭卿相長途飽歷冰霜感吾

師西陳樂邦悟還本地風光

合

喜歸來曇花正芳

滿堂賢聖揚寶幢盈空天樂和異香永斷輪迴劫  
外徜徉

前腔

外

勲名磊落雲臺上回頭瞥悟無常試群魔

曇花記

下一百十七

精金鍊剛一朝遂現靈光

合前

**前腔**靈照蓮花一室依方丈六時禮佛焚香說多

羅初開講堂西婦早辦資糧

合前

**前腔**末神丹久餌蓬萊長東華忽轉西方悟無生

長依覺王何如不死仙鄉

合前

**前腔**旦良人遠別成悽愴翻然遂掃雲房謝麗師

把琅函闡揚一悲十載他鄉

合前

**前腔**貼小旦生身粉黛多魔障相倚阿母禪牀對

蒲團蓮花漏長明燈幸借餘光

合前

**前腔**小生小貼一門並去遊華藏羞予紫誥金章

奈蹉跎紅塵路旁何當一指津梁

合前

**大和佛**衆丹鳳銜書下建章龍象有輝光宣揚玄

化天語讚西方九品發蓮香依稀繡閣交珠網又

見玉毫金口佛語布洋洋開普度慈門甘露空中

降並許着香花幢蓋長侍如來寶座旁

小外上木

韜稟知祖師老爺鄉里父老男女聞老爺得道

同祖師婦會曇花嘆羨感悟俱各回頭持齋奉

戒求見佛爺外分付衆人回家努力精進相見

有日小外分付科內應科

錦衣香衆照下方尼珠朗駕葦航超風浪法雨均

沾玄風遐暢醍醐一洒盡清涼雪山肥膩香滿期  
場感明師導引產金沙蓮花十丈演樹林同水鳥  
佛音嘹唳十萬由旬刹那來往小外稟知祖師老

爺法音廣布大衆一時回頭漁獵戶折了釣竿  
碎了網罟屠沽戶撒了屠刀壞了酒器種種迷  
人俱各省悟持齋奉戒求見佛爺外分付衆人  
回家努力精進相見有日小外分付科內應科

漿水令

衆唱

吹大螺法音流廣擊大鼓六合芻唐

閻浮從此悟無常呼吸之間地府天堂斷迷習消  
塵障彌陀本性原無恙看三聖看三聖金容瑞相  
親接引親接引徑往西方

尾聲往西方只片餉永脫死生流浪萬古英雄作  
話揚

衆

對境逢場日幾迴靈根便向此中栽

兔毫不弄閑風月龍藏曾叅大辨才

艷曲如今翻法曲歌臺回首是香臺

從來遊戲成三昧 舌底蓮花瓣瓣開

曇花記下 終

曇花為屠赤水撰明史文苑傳陸  
舉萬曆五稔進士除潁上知縣調任青  
浦以仙吏自許鬱鬱藍生曲品赤水以西寧  
侯媿戲事罷官故作曇花記託率西來  
猶感宗德或曰盧相公即指吳縣相公孟  
叔韋即指糾之者才人表極亦後帝了  
不獨詔旨也赤水尚肖彩毫脩文二記余

從來遊戲成三昧 舌底蓮花瓣瓣開



曇花記下 終

曇花為屠赤水撰明史文苑傳陸  
舉萬曆五稔進士除潁上知縣調任青  
浦以仙吏自許鬱鬱藍生曲品赤水以西寧  
侯媿戲事罷官故作曇花記託李西來  
猶感宗德或曰盧相公即指吳縣相公益  
豕韋即指糾之者才人喪格亦後帝了  
不獨詔介也赤水尚肖彩毫脩文二記余

亦有莊本皆不如此本之善長洲徐靈  
昭稱其塗金縷采毫芝之取錢塘江  
允莊尤淺祗其詩皆非定編也

壬子九月長洲吳梅



獻書人吳梅  
捐贈



27